



08054

黃文獻集十二卷

金華叢書



金華叢書



黃文獻集十二卷

序

吾郡黃文獻公處為名儒出為名
臣其學問之淵源立朝之本末具
載元史本傳及諸家敘記中末學小
生固無庸其複述贅論矣惟念余刻
金華叢書先賢遺著摻羅殆徧而

卷首

黃文獻集敘

一

退補齋
藏板

元明之際若柳待制吳淵穎宋潛谿
王忠文諸先生集均以刊布私竊自
慰顧待制與公齊名當時所稱儒林
四傑者也淵穎輩行視公稍後亦公
夙所推許引為小友者也宋與王則
又皆從公受學者也今諸先生集既

刊布矣而公集獨闕甯獨私淑之心
恆抱遺憾抑亦諸先生所共以為歎
而不我許者也訪求經年浦陽張小
蘿侍御郵寄義烏陳氏校訂本係
余咸豐己卯上都時藏諸篋貽贈小
蘿今小蘿仍歸於余如秦庭之返璧

卷首

黃文獻集做

二

退補齋
藏板

合浦之還珠欣暢靡已亟付殺青用
廣其傳按茲本譌舛錯出卷首目錄
闕鄉貢進士項君墓誌銘之目卷八
胡景呂先生墓誌銘文闕後半篇
袁道甫墓誌銘文闕前半篇陳氏未
及細校依次編成今空白一頁俟獲

善本補之工既竣謹弁數語於首以誌吾幸光緒二年十月中澣郡後學胡鳳丹月樵甫序於鄂垣之退補齋



卷首

黃文獻集敘

三

退補齋藏板

隨鳳丹月樵甫序於鄂垣之退補齋
善本補之工既竣謹弁數語於首以誌吾幸光緒二年十月中澣郡後學胡鳳丹月樵甫序於鄂垣之退補齋

黃文獻公遷像



卷首

像

退補齋藏板

元延祐乙卯科進士累官翰林直學士
知制誥陞侍講學士知經筵事進階
中順大夫贈中奉大夫江西行中書
省參知政事護軍追封江夏郡公諱
潛謚文獻公像

元史本傳

黃潛字晉卿婺州義烏人母童氏夢大星墜於懷乃有娠歷二十四月始生潛潛生而俊異比成童授以書詩不一月成誦迨長以文名於四方中延祐二年進士第授台州甯海丞縣地瀕鹽場亭戶恃其不統於有司肆毒害民編戶隸漕司及財賦府者亦謂各有所憑橫暴尤甚潛皆痛繩以法吏以利害白弗顧也民有後母與僧通而酖殺其父者反誣民所爲獄將成潛變衣冠陰察之具知其姦僞卒直其冤惡少

卷首

傳

一

退補齋藏板

年名在盜籍者而謀爲劫奪未行邑大姓執之圖中賞格初無獲財左驗事久不決潛爲之疏剔以其獄上論之如本條免死者十餘人遷兩浙都轉運鹽使司石堰西場監運改諸暨州判官巡海官舸例以三載一新費出於官而責足於民有餘則總其事者私焉潛撙節浮蠹以餘錢還民驩呼而去奸民以僞鈔鈎結黨與脅攘人財官若吏聽其謀挾往新昌天台甯海東陽諸縣株連所及數百家民受甃至慘郡府下潛鞫治潛一問皆引伏官吏除名同謀者皆杖遣

之有盜繫於錢塘縣獄游民賂獄吏私縱之假署文牒發其來爲鄉導逮捕二十餘家潛訪得其情以正盜宜得傅重議持僞文書來者又非州民俱械還錢塘誣者自明入爲應奉翰林文字同知制誥兼國史院編修官轉國子博士視弟子如朋交未始以師道自尊輕納人拜而來學者茲益恭業成而仕皆有聞於世時欲增設禮殿配位四配位合東坐而西向學官或議分置於左右同列不敢爭潛獨面折之事乃止出爲江浙等處儒學提舉潛年始六十七不俟引

卷首

傳

二

退補齋
藏板

年亟上納祿侍親之請絕江徑歸俄以祕書少監致仕未幾除翰林直學士知制誥同修國史尋兼經筵官執經進講者三十有二帝嘉其忠數出金織紋段賜之陞侍講學士知制誥同修國史同知經筵事階自將仕郎七轉至中奉大夫旋上章求歸不俟報而行帝聞之遣使者追還京師復爲前官久之始得謝南還優游田里間凡七年卒於繡湖之私第年八十一贈中奉大夫江西等處行中書省參知政事護軍追封江夏郡公諡曰文獻潛天資介特在州縣唯以

清白爲治月俸弗給每鬻產以佐其費及升朝挺立無所附足不登鉅公勢人之門君子稱其清風高節如冰壺玉尺纖塵弗污然剛中少容觸物或弦急霆震若未易涯涘一旋踵問煦如陽春潛之學博極天下之書而約之於至精剖析經史疑難及古今因革制度名物之屬旁引曲證多先儒所未發文辭布置謹嚴援據精切俯仰雍容不大聲色譬之澄湖不波一碧萬頃魚鼈蛟龍潛伏不動而淵然之光自不可犯所著書有日損齋彙三十三卷義烏志七卷筆記

卷首

傳

三

退補齋
藏板

一卷同郡柳貫吳棻皆浦陽人貫字道傳器局凝定端嚴若神嘗受性理之學於蘭溪金履祥必見諸躬行自幼至老好學不倦凡六經百氏兵刑律歷術數方技異教外書靡所不通作文沈鬱春容涵肆演迤人多傳誦之始用察舉爲江山縣儒學教諭仕至翰林待制與潛及臨川虞集豫章揭傒斯齊名人號爲儒林四傑所著書有文集四十卷字系二卷近思錄廣輯三卷金石竹帛遺文十卷年七十三卒棻字立夫集賢大學士直方之子也輩行稍後於貫潛天資

絕人七歲能屬文凡書一經目輒成誦嘗往族父家
日易漢書一帙以去族父迫扣之萊琅然而誦不遺
一字三易他編皆如之眾驚以爲神延祐七年以春
秋舉上禮部不利退居深裏山中益窮諸書奧旨著
尙書標說六卷春秋世變圖二卷春秋傳授譜一卷
古職方錄八卷孟子弟子列傳二卷楚漢正聲二卷
樂府類編一百卷唐律刪要三十卷文集六十卷他
如詩傳科條春秋經說胡氏傳證誤皆未脫稟萊尤
喜論文嘗云作文如用兵兵法有正有奇正是法度

卷首

傳

四

臧補齋
藏板

要部伍分明奇是不爲法度所縛舉眼之頃千變萬
化坐作進退擊刺一時俱起及其欲止什伍各還其
隊元不曾亂聞者服之貫平生極愼許與每稱萊爲
絕世之才潛晚年謂人曰萊之文蘄絕雄深類秦漢
間人所作實非今世之士也吾縱操觚一世又安敢
及之哉其爲前輩所推許如此萊以御史薦調長蘄
書院山長未上卒年僅四十有四君子惜之私謚曰
淵穎先生

欽定四庫全書提要

黃文獻集十卷

元黃潛撰潛有日損齋筆記已著錄其文原本經術應繩引墨動中法度學者承其指授多所成就宋濂王禕皆嘗受業焉濂序稱所著日損齋稿二十五卷潛歿後縣尹胡惟信鏤梓以傳又有危素所編本爲二十三卷今皆未見此本乃止十卷前有嘉靖辛卯張儉序稱舊本頗闕失且兼載其一時泛應異端之求者恐非公意也索世家得善本及公所爲筆記一

卷首

一

退補齋藏板

編稍加剛定付建甌尹沈璧陳珪重梓以傳云云則儉已有所刊削非濂所序之本卷首題虞守愚張儉同校一行又題溫陵張維樞重選會稽王廷曾補訂一行則二人又有所竄易併非儉所刻之本卷數不同有自來矣明人誕妄凡古書經一刊刻必遭一塗改數變之後遂失其真蓋往往如此然有所私損未必有所私益雖殘闕不完尙可見潛之崖略也

金華先生黃文獻公文集序

天地之氣日新而無窮文辭亦與之無窮蓋其升降
翕張俯仰變化皆一神之所爲神也者形之而弗竭
用之而彌章氣之樞文之所圍也成周而上六藝典
焉禮不同乎春秋春秋不同乎詩詩不同乎書書不
同乎易成周以下諸家言雖不能如經亦各以所學
鳴龍門則異於河汾河汾則異於昌黎昌黎則異於
廬陵廬陵則異於伊洛夫豈欲騁異哉文與氣資神
以生其勢則然也近代自寶慶之後文弊滋極唯陳

卷首

序

一

退補齋
藏板

腐之言是襲前人未發者則不能啟一喙精魄淪亡
氣局荒靡澌焉如弱卉之汎緒風文果何在乎逮人
國朝羣工疊出劍華而踐樸革凜以趨真爛然五色
之文照耀於天下沿至先生號爲極盛先生之所學
雖其本根則師羣經揚其波瀾則友遷固沈浸之久
超然有會於心嘗自誦曰文辭各載夫學術者也吾
敢爲苟同乎無悖先聖人斯可已故其形諸撰述委
蛇曲折必鬯所欲言出用於時則由進士第教成均
典儒臺直禁林侍講經幃以文字爲職業者殆三十

年精明俊朗雄蓋一世可謂大雅弗羣者矣今之論者徒知先生之文清圓切密動中法度如孫吳用兵神出鬼沒而部伍整然不亂至先生之獨得者又焉能察其端倪哉於戲蹄涉之水其流不能尋尺通河巨海則涵浴日月一朝而萬變上鼓之聲其聞弗及百武迅風驚霆則振撼萬物衝縱下上無幽而不被此無他神與不神也文辭之出與天地之氣相爲無窮奈何不河海風霆之若而颯颯蹄涉土鼓間果誰之過也上而六藝下而諸家言所倡雖有大小之殊

卷首 序

二

退補齋藏板

其生色之融液至今猶津津然是誠何道哉學者尙以是而求先生也先生薨後之五年家藏日損齋棠共二十五卷縣大夫胡君惟信恐其湮沒亟取鏤梓以傳謂濂嘗從先生學俾爲之序濂也不敏何足以知先生追念疇昔侍几杖華川之上先生酒微醅歷論文辭原乎學術每至數百言自顧於道無聞溺志汗漫無根之域不足上承明訓方將刻厲剔去陳腐以振華英而九京不可作矣俯仰今古能無感乎姑誦所聞以書於篇端若先生所以擅一代之盛者則

不待序而後見也先生諱潛字晉卿姓黃氏婺之義
烏人其官序行業具見臨川危公所撰神道碑銘茲
不著門人同郡宋濂謹序

卷首

序

三

退補齋
藏板

補訂黃文獻公集序

孔子顏曾思孟四子七十子其所言學也而文莫大於是董子文不出於學其文爲最高韓氏歐陽氏以文衍其學文爲最工周程張朱五子學外無文焉烏之傳朱學始文清徐氏與直卿黃氏同時而在何王金許四氏之前而紹徐氏之學者爲處善龔氏子厚康氏景雲朱氏通齋葉氏唐卿王氏元齡樓氏南棧王氏則又繼通齋晉卿石氏又繼唐卿彥修裕軒又承許氏而朱子共世南軒張氏象山陸氏外有東萊

卷首 序

四

退補齋藏板

呂氏龍川陳氏則葉氏邦出呂氏門而朱氏質陳氏錫繼之喻氏南強侃出陳氏門葉氏謹翁承祖邦及父震蓋自紹興中至明洪建永洪宣正間學相禪不絕而文獻黃先生生景炎丁丑二十五而舉校官又二年舉憲史三十九賜同進士出身丞寧海四十二年判諸暨五十五爲應奉翰林文字同知制誥兼國史院編修官進階儒林郎轉承直郎國子博士換奉政大夫江浙等處儒學提舉七十拜翰林直學士知制誥同修國史明年兼經筵七十二升侍講學士中奉

大夫知制誥同修國史同知經筵事七十四得謝南
還又七年而卒追封江夏郡公文獻其諡也蓋自宋
寶慶後學術紛而陳言是襲先生成童稟業山南劉
氏凡十五年隨取徵於故老二十而執弟子禮於南
巖方氏垂四十年先生故石氏甥也事晉卿三十五
年接唐卿之緒總角預南稜弟子列五十年續通齋
之宗蓋通齋唐卿得先生而三傳而先生後得忠文
王氏是亦足比蹤何王金許四氏抑四氏產金蘭東
三邑諸氏竝產烏而先生又因方氏與吳氏思齋爲
忘年交并溯龍川其記山南集有曰辭必已出古也
又曰其爲言也非出於古非不出於古也又曰文辭
各載夫學術者也無愧先聖人斯可已又曰聖賢未
嘗學爲文也沛然而發之卒然而書之而天下之學
爲文者莫能過焉以其爲本昌爲源博也宋文憲以
爲一神之所爲中統至元以來二三人而已王忠文
謂以精純之學羽翼聖學以典雅之文黼黻人文誠
一代之儒宗百世之師表而先生之門弟子若王宋
二氏外德源侍先生亦侍許氏伯清侍許氏復侍先

卷首

序

五

退補齋
藏板

生而先生嘗謁許氏於歲寒亭沒爲之銘謂少不能從游而偶獨後死序方氏之集舉聖予之論在人倫不在人事在天地不在古今謂言先生詩無以易此斯則遺經吟社莫非物理人事之所寓焉蓋先生之文可能也而其少無仕進之情尊師取友以成其學猶恨不及事白雲而侍白雲者轉師先生此不可能也此劉宋王朱諸弟子未能發先生之覆而亦劉宋王朱諸弟子所由此而心形俱服者而宋又與彥修友忘年卒後先生一禩宋表其墓蓋許黃門無異同

卷首 序

六

退補齋
藏板

而宋十九受經業聞人氏故與許同得統魯齋者於是宋之門有正學方氏王之孫孝莊稔又師正學二百九十年來能不推本宋王以及先生哉而數十年之中有力持聖學見於從祀之疏宗貫之錄最後有葺理學淵源斷以山陰爲學術純正終始一節者斯則先生之風流猶未歇絕矣然則世皆謂華川忠孝足以冠冕一世文章風槩足以度越當時而不知理學一綫猶可尋討在昔道學傳翔自有宋道學原不別於儒林然特爲標揭亦足使文人學士知有從來

故廷曾於志中既特著之而於先生復申言之其先生之集名曰損齋彙凡二十五卷元時縣大夫胡公惟信刻於薨後之五年屬文憲爲之序復建祠俾忠文記之當是至正壬寅癸卯歷二百三十八年而張侯維樞選而布之今又九十二年矣版之闕者百有十而字之漶且譌者不止百千焉稍爲補之訂之尙當求其全本而以文憲狀及忠文祠堂碑入附錄增錄其後是爲叙時

康熙三十年歲次辛未文林郎知義烏縣事後學會

卷首

序

七

退補齋
藏板

稽王廷曾頓首拜撰

序

婺州在昔爲理學文章之藪自呂成公倡之何王金許四先生繼之大道昌明人人得聞天人性命之旨而著述多歸於純粹學術正而文章亦盛焉宋寶慶後學者失所宗師於先儒論著失所開闡習爲浮華不實之談而授受源流精意寢晦迨黃文獻公起義烏超然特立乃爲一振學術則元元本本文章則炳炳烺烺旣爲前賢之繼又爲後學之倡昔人所謂尋墜緒之茫茫獨旁搜而遠紹者也此予之所以深有

卷首

序

八

退補齋
藏板

慕乎斯人也雍正戊申春予來守婺瞻拜諸先儒於麗正書院流風餘韻宛在目前及以公事赴義烏臨繡川望石樓俯仰徘徊心嚮往之蓋公爲海內不可少之人又生於學者急待以振興之日障百川而迴狂瀾烏能不爲斯道幸有斯人哉第以未獲盡讀公之遺文爲憾越數月公十世孫之琦持公全集示予予往復讀之益信公文辭各載夫學術之言爲不誣公上憲使書自謂棄俗學之陋而務極其業於力之所至凡聖賢精神心術之妙古今廢興治忽之由竊

嘗窺之蓋其所學者遠所志者遠是以論斷事理多
所發明援據古義必辨其異同而馳騁上下紆餘委
備直追北宋之作者詩則含咀於漢魏六朝而出以
清和雅健深得風人之旨詩與文皆可傳於後者也
前代鉅公序之已詳予今日復綴數言所以志予平
時嚮慕之心又幸來守是邦而得公遺文於公之後
裔且以望公之子孫皆能世其家而不墜其所學焉
雍正戊申孟冬上浣漢陽後學吳炯拜書

卷首

序

九

退補齋
藏板

重校黃文獻公詩文集序

古之立言者必深於道德不得已而後言故其言爲不朽而操觚吮墨之士往往背本趨末不知求道養德以充於內而惟以文章爲事業蓋道德文章之出於二也久矣如宋玉相如之徒競尙浮華非無工妙可喜之辭而昔人則比之於鄭衛至於法言中說非聖人而作經初無探討服行之實而效之於形似影響之間昔人則又比之於吳楚其他淺者固不根無實而其深者亦未能反之於身而一出於道雖傳之

卷首

序

十

退補齋藏板

後世讀者有取其言而終不能無憾於其本此何異朝華夕秀之乍啓乍披候蟲時鳥之自鳴自止哉宋天禧明道後大儒繼出以主張斯文爲己任而婺州東萊呂成公與朱子相師友由是婺學始盛北山魯齋仁山白雲四先生皆宗朱呂之學相承不絕而烏傷黃文獻先生復出焉考其淵源所自則由白雲及東萊以達於朱子自宋迄元一郡之中名儒接踵而先生以精純之學頡頏其間何其盛也元大德中先生始舉校官歷仕五朝晚乃掌帝制侍經幄其平生

爲學實能深思以探其本力行以踐其實故能巍然
自任斯文之重或爲詩歌則和平淡泊本於性情之
正諸所爲文皆不事雕飾粹然醇雅足以推明聖人
之道而不愧於有宋諸儒蓋邃於道德發爲文章故
無意於文而文自至焉此所謂仁義之人其言藹如
者而非徒金聲玉耀以厭當世之耳目也昔臨川危
公稱先生論著如澄湖不波一碧萬頃蛟龍百怪潛
伏不動淵然之光自不可犯而其門人宋潛溪先生
亦推尊之以爲師羣經友遷固皆可謂造其堂而嚼
其馘矣而總不若先生之自誦曰文辭各載夫學術
者也吾敢爲苟同乎無悖先聖人斯可也嗚呼此則
先生之所以爲文而羽翼夫道者也以視靡曼俳優
之習模倣假竊之詞其相去何如哉予任華川三載
先生之十世孫景韓以先生日損齋藁刻於宋文憲
王文忠時雖再經修校而字多漫漶且多三豕之誤
於是因其舊而訂譌補缺以求序於予予既敬慕先
生恨不及執經門下而讀其詩文想見其爲人竊喜
挂名其文字中雖未敢自附於私淑之末而終不能

卷首 序

上

退補齋
藏板

愒然於先生之集也乃不辭而爲之序

雍正七年歲在己酉季春之月下浣瑣水後學韓慧

基拜撰

卷首

序

士

退補齋
藏板

重刻黃文獻公集後叙

文獻公集嘗兩經板刻一公無恙時刻之間卷帙頗多一公既歿刻之吾婺字畫較精細特首數帙中爲其黃氏志銘省於閩刻耳歲遠兩刻俱亡維宦姓舊族間有藏本愛公文者購之甚不易得也嘉靖九年秋九月公之羣從孫九十翁文八十翁德方七十翁洋帥其子姓將重刻之有諸孫梁者願獨任其費行且就工矣適洋女夫虞侍御惟明往按于閩語諸翁曰刻書費請更以修公墓祠刻其委之守愚因私鶴

卷首 序

三

退補齋藏板

鳴曰刻苟成子必以叙之後以無忘不忘祖者之賢明年夏四月虞子實以新刻來趣叙則見凡老釋碑版盡以刊去嘻吾婺文章蓋自初唐以來信然無媿古作者殆數十家及今往往散失幸僅存者可無惜焉已惜之故刻之以傳宜無用去取也昔子厚讀退之毛穎傳具見論文尺度正不爾爾且公集無新刻人尚舊本之求新刻行則完本日淪泯矣豈校刻者不得吾虞子意邪敢輒託書張副憲用載贊我虞子以所刊去別爲一卷繫集後且期得報乃以叙復旣

久而不獲我私問將別增刻一卷不但已也又明年
端午始奉張子前四十日書曰文獻集已如教增刻
矣慰甚遂以叙往若公文所請潛谿宋太史危臨川
素評議具在晚生寡陋又奚以云李鶴鳴撰

卷首

序

古

退補齋
藏板

重刊黃文獻公文集序

文者道之著也亦道之傳也道待人而行待文而著著斯明明斯傳傳斯通否則晦矣塞矣文其可少乎哉吾鄉金華黃文獻公與其友柳文肅公均以文名于時世稱黃柳如唐退之之於子厚也蓋公生長何王金許四君子道學之鄉得聞閩學之正傳而仁山白雲二先生猶及先輩故所爲詩文意完而氣充事詳而詞覈一根諸理以羽翼儒先之緒論眞如粟帛之可衣食而不可缺非彫繪枝蔓如珊瑚木難之徒

卷首

序

五

退補齋藏板

悅美觀也公之學一傳而得宋公潛溪王公華川再傳而得方公遜志宋以文行顯王方以忠節著炳炳爲世名臣咸大裨於治教其源流蓋可見矣豈特文辭云乎公邑後學侍御虞君惟明素慕公而同趨者深懼斯集湮沒無以迪後進觀風之始乃購舊本以屬不肖編次儉何人斯克當是任顧一念向道之志不敢不勉竊祿賢邦深以未得領要爲憂茲又獲覩斯集而得見公所誌白雲先生墓銘斂衽精思庸知道之不外是也何幸如之舊本頗缺失且泛載其一

時偶應異端之作者恐非公意也索世家得善本及
公所爲筆記一編稍加刪定付建甌尹沈璧陳珪重
梓以傳庶幾侍御君懷賢淑世之盛心亦不肖儉尙
友之一助也嘉靖辛卯僊居圭山張儉拜書

卷首

序

六

退補齋
藏板

跋金華黃先生集

曩在都門從友人借讀黃文獻公集僅十卷係仙居張儉存禮所刻病其去取失當而附筆記誌狀於第七卷末尤乖刺不倫茲於吳門黃孝廉齋見元槧金華黃先生集不全本紙墨精善始快然莫逆於心也攷宋景濂撰公行狀述所著書有日損齋初藁三卷續藁三十卷義烏志七卷筆記一卷此編排次自卷一至卷三十一初藁三續藁一至二十八雖無日損齋之名其爲一書無疑但闕續藁十一至十八二十九至三十耳貢師泰序稱初藁臨川危素所編次續藁門人王生宋生所編次所云王宋二生卽子充景濂也而每卷首但列臨川危素名蓋太僕在元季負重名王宋皆後進不敢與抗行故也行狀云續藁三十卷今貢序作二十八卷蓋作僞者洗改痕迹宛然二十八必三十之譌弁初續藁爲三十三卷爾錢大

昕撰

卷首

跋

七

退補齋
藏版

跋黃文獻公文集後

吾郡古稱文獻之邦自宋以來人材輩出至有元至
正而後侍講文獻黃公尤巋然獨立於朝久擅製作
之權蔚爲海內宗師時之名公巨卿皆出其門故凡
得公片言隻字不啻如獲拱璧故公之文布於世者
恆多公歿後門生學子遂取其全集繡梓以傳而東
南士大夫家始盛有之獨四川遠在萬里外所藏者
尙少余之再入蜀也嘗挾一帙以來固欲與同志者
共之而未獲其人也古論鄒公瑾氏聰敏超邁業精
行修尤有志於古學艤舟訪之相與劇談此事若中
肯綮蓋余所慕而未遇者也遂以爲贈公瑾尙周覽
而熟玩之非獨足以知吾邦之盛而前朝典故之詳
先正制作之式從可得而求之矣公瑾復俾余誌於
後故書梗概如此云國子監博士後學王紳書

卷首

跋

六

退補齋
藏板

重訂文獻公全集總目

卷首

本傳

四庫全書提要

原序

原跋

卷一 五言古詩

雜詩五首

效古五首

人事如草木

煌煌明月珠

微雲翳白日

古意

連雨襟書五首

晚晴

卷首

黃文獻集目錄

一

退補齋
藏板

夜歸

陪諸老夜飲

讀忠簡宗公遺事

曉行湖上

西峴峰

夜興

陳生詩

述懷

寄方子踐子發

寄俞子易

東園晚歸

送凌吉叟之杭州教授

送朱仲山之京

贈葉審言別

舟中偶書

晚泊釣臺下

登鍾山最高頂

休日集于城南

卞忠貞公墓

制使馬公祠堂

送人赴盧陽學官

曉望

發金陵留別一二同志

龍灣夜泊

敬亭山

宿雲黃山作

重登雲黃山

秋夜觀書作

覽元次山春陵行有感近事追和其韻以寓鄙懷

登錢山望菰城慨然而賦

逸山過姚紫英別業

次韻答蔣明府先生

和方韶父先生七首

金華北山紀遊八首

卷首

黃文獻集目錄

二

退補齋藏板

中秋會宿浦陽江上分韻

龍山九日

石臺分韻

雍熙僧舍偶書

送楊學正還餘姚

奉府帖賜高年帛晚宿孝義山中賦

游西山同項可立宿靈隱西巷

送祝蕃遠北上

陳孝子詩

上京道中雜詩十二首

遊寶陀寺

雪竇紀遊八首

送曾止善孔廟司樂

同王章甫待制校文上京八月十五夜宿龍門驛

送鄭以道

送王君冕同年歸長安

題杜左司西巖詩卷後

題象山環溪圖

題趙涼公瑞瓜圖

歲晏

送陳太祝

送王鍊師歸四明

集淵明句題李中甫員外稼亭

集淵明句題胡主簿嘉樹軒

永嘉王君自製挽歌辭集淵明句以釋之

丙子七月十七日同輝公登紫微巖撫事述情成

二十韻邀兩生同賦奉呈審言子長

卷首

黃文獻集目錄

三

退補齋藏板

湖上卽事

試院諸公西湖同泛分韻

題清華亭

題松聲樓

送甯上人歸吳中

至正丁亥春二月起自休致入直翰林夏四月抵

京師六月赴上京述懷五首

仙華方先生析簡齋杏花消息雨聲中之句爲韻

賦山中社雨七章和者四人先生于第四章見

及顧未能屬和今五十餘年偶逢春社興懷存

歿追次前韻以抒鄙情

五言律詩

寄方韶父先生

雨二首

雪

送友人

寄友人

秋懷五首

柴荆

憑軒

風雨

山中懷友七首

悼雙林栗上人

社日重過方子踐

聞子踐卧疾

和吳贊府齋居十詠十首

卷首

黃文獻集目錄

四

退補齋藏板

過謝臯羽墓

元日卽事

八詠樓

溪南卽事

明月樓

含香道中

懷楊仲弘

八詠樓遇方子踐

杭州寄子踐

次韻答子踐

劉聲之爐亭夜話

雨三首

金陵客舍漫書

陪仇仁父先生登石頭城

抱琴

吳贊府挽詩三首

春日郊行雜興三首

次韻答友人

次韻答陳君采兼簡一二同志六首

洋山夜發

陸氏水軒分韻得揚字

寄黃伯陽

送陳養直歸四明

送胡允文紹興錄事

讀陳制幹遺事

入京道中寄同里諸友

送句龍提舉之雲南

題天童壘秀軒

送簡縣尹

送趙仲理御史

送趙宗吉御史

送馬伯忱教授

送王道一郎中

卷首

黃文獻集目錄

五

退補齋藏板

送宗顯夫憲僉分題得邵伯球

送宋翼卿照磨

送潮陽蘇縣尹

題道士能君壽母詩卷

題石門淨勝寺

初至寧海

游法華山回宿樓氏書房贈同游傅生國章

過永康桃巖

五言長律

九日登石頭城

寄李生

隆山牟先生挽章

癸酉四月同子長至赤桃謁故中書舍人潘公之墓復迴智者而別

同劉遂初周伯溫任大瞻王繼志西山行香次遂初韻

試縣同諸公爲主試官作

試縣同諸公爲監試官作

五言絕句

山中偶題

夜坐

題趙公畫蘭竹

題馬虛中畫

卷首

黃文獻集目錄

六

退補齋藏板

卷二 七言古詩

可憐行

崑崙歌寄五邱子行

梓山行贈桑生

采芝曲贈永嘉林道士

金華山贈同遊者三十韻

送俞觀光

讀清江集

題李坦之詩卷

甲辰清明日陪諸公入南山拜胡侍郎墓回湖中

作

送傅主簿

苕溪風雨中章德茂同泛

由苕溪出大湖抵陽羨 次韻方子踐雪中見寄

題陵陽牟公紫陽方公詩卷後

題大瀛海道院

陽山昱上人訪予吳門求為湘竹詩為賦長句

杭州送兒姪歸里 題松溪圖

題周鍊師雲崖圖 贈熊天瑞先輩

番易周節士歌

送李憲使赴燕南分題得烏飛曲

贈夏德頌 風樹唵為李生作

卷首 黃文獻集目錄

七 退補齋藏板

題錢舜舉畫 題李氏白石山房

題張清夫心遠堂 題醉歌圖

七言律詩

送孫君文判官 感舊

鳳凰山 開元宮

早起 寄陳君采

次韻答吳正傳 寄葉審言

獨立 卽事

予與劉君師魯為文字交茲過武林偶遂良覲喜

賦

九日

次韻山南先生遣興
寄仇仁父先生

寄朱十八丈判官
寄朱仲山

寄友人
夏日漫書

逢葉伯幾
宿賈氏山房

送友人之京
答友人

憶友人
哭李無逸

過烏傷墓
雜興三首

山中夜歸
旅夜

卷首

黃文獻集目錄

八

退補齋藏板

三月三日西湖舟中
金陵天津橋

送人歸豫章
哭陳茂卿

宣城客中偶書
梳頭得白髮

送韶父先生遊京
山南先生挽詩

喜方韶父先生至兼懷山南先生

韶父先生有詩復次韻以和

寄張如心

送王傅朋靜江教授二首

送揚州傅學正

余山

龍潭山

遣興

次韻方子踐觀潮

次韻子踐秋社歸巖南

杭州寄里中一二志同

客樓雨中

次韻答蔣春卿

送楊山長歸錢塘

章德懋同登車蓋山

重遊毗山

湖州遇葉士心因寄郭祥卿架閣

大卿牟公挽詩二首

次韻牟主簿南湖客中

次韻姚子敬教授

次韻別程晉輔教授

花信

草意

卷首

黃文獻集目錄

九

退補齋藏板

闕下口號

賜第後歸謁郡府丞爲置宴口號

郡廳宴集之明日鄉先生復爲置酒重述口號

北山歸路呈古心師

喜趙繼道至有懷陳君采

寄曹子訥千壽道二同年

寄別宋推官

送姜學錄

送鹽官傅都目

送貢教授致仕歸里

陳山晚泊

送三高祠陸主奉

送陳推官之信州

送胡古愚兼簡道傳博士

送淮海書院邱山長

留別錢翼之

諸暨休日偶書

湖心寺夜坐

次韻答徐文蔚

送顧仁甫上計京師

送沙彥文架閣分題得西山

題金明宴遊圖

上巖寺訪一公

寄題高遠樓

題東柯谷圖

聞趙繼清調安陸縣尹

送畢縣尹

卷首

黃文獻集目錄

十

退補齋藏板

題雪竇妙高臺

題觀海圖

次韻題劉氏石壁精舍

送葉仲輿巡檢

和外舅主簿公自爲挽詩

留別一公琳公

送趙繼清潮州推官

送傅汝礪之安南

送式公歸高麗

題甯節婦詩卷

送孔御史歸曲阜

送龍南歐陽縣尹

送謝仲連小鹿巡檢

送烏編修代祀海岳南鎮

贈黃資深

題張武定公死事詩卷後

題王君冕同年芳潤亭 題丁文苑同哀詞後

送慰彥誠道州經歷 送陳季和

送陳君歸江西 送張良卿學士之淮南

次韻蘇侍郎平村暮歸 送向子正理問

送蘇伯修憲使 送王止善檢校

送高唐李知州 送傅汝礪廣州教授

送劉遂初修撰 送于指揮歸密州

書巢張君挽章 題莫氏山莊圖

卷首

黃文獻集目錄

十一

退補齋藏板

次韻伯雨鵬月八日雪中全登來鶴亭

與江陰何鼎叔鉉別三十六年相見于錢塘感舊

述情

至大庚戌正月與儒公禪師謁松瀑真人于龍翔

上方翰林鄧先生適至予爲賦詩諸老皆屬和

焉後三十一年是爲至元辛巳正月追用前韻

送內史府孫知事還京 送史景福

府判謝公挽章

六月十二日上京翰林開院喜雨

安南遣使入朝其歸也上介黎括以贈言請賦此
遺之

送徐志尹赴安鄉縣尹

送陳元達代祠補恒洛迦山

次韻答胡古愚博士

送李師曾蔣仲善赴春官

七言絕句

寒食舟中

哭御史王公十首

金陵客中送友人歸里 有感二首

卷首

黃文獻集目錄

七

退補齋藏板

葉審言張子長同遊北山知者寺絕句十首

避暑圖

圍棋圖

陶學士驛舍圖

次韻章兄雨中

偈二首

松江舟中偶書二首

青山白雲圖

桃竹畫眉圖

追和景傳新店客舍壁間韻

灤陽邢君隱于藥市製芍藥芽代茗飲號曰瓊芽

先朝嘗以進御云

次韻虞閣學上京道中

題李早畫馬

水僊圖

石節婦詩

宣和畫木石

題高公畫竹木

山水圖

海月圖

送許參政歸武昌別業

飲後示陳生

題金德原所藏元暉小景

題洪崖出遊圖

贈寫真圖

送傅梅溪遷任福州

題王荊谷墨梅詩送傅君時教授南歸

題宣和御畫

題陸山長柳州

卷首

黃文獻集目錄

三

退補齋藏板

題清鏡閣

題趙伯容鶴巢

次韻答濟公

桃源圖

瑤池春宴圖

次韻題墨梅

題先照樓

武王扇暘圖

題平章康里公春日杏園西卽事詩後

題明公畫蘭

東陽縣西道中

壬辰春三月遊左溪癸巳春三月遊天宮有感而

賦

卷三

宣和畫木石

離居賦

太極賦

閑閑贊 并序

擊蛇笏贊

李御史畫像贊

學軒贊

程楚公小像贊 并序

董御史畫像贊

訟魁

策客問

策問

上都鄉試蒙古色目人策問 十八則

國學漢人策問 十七則 江西鄉試漢人策問

浙江鄉試蒙古色目人策問

卷首

黃文獻集目錄

古

退補齋藏板

江淞鄉試南人策問 會試漢人南人策問

雜著

賈諭

讀賈生傳

陸君實傳後序

說水贈蔣春卿

諸暨州勸農文

三皇廟樂章

祭朱叔文山長文

祭永康胡先生文

謁先聖

諸暨州謁廟祝文

國學遷設先師配位祝文

大成殿修造祝文

謁胡侍郎墓祝文

先大夫封贈祝文中書太廟時享祝文二首

翰林國史院賀正旦表 國子監賀正旦表二首

國子監賀聖節表二首

國子監賀冊太皇太后表

國子監賀冊皇后表

國子監賀太皇太后正旦表

國子監上太皇太后賀冊皇后表

中書省賀正旦表 中書省賀聖節表

翰林國史院賀皇后正旦牋

卷首

黃文獻集目錄

五

退補亦局藏板

國子監賀皇后受冊牋 中書省賀皇后正旦牋

代澗東憲使請立耶律文正公書院公牒

謝鄉試主司徐照磨啟 賀周縣丞啟

通李州判啟 皇太后正旦 上憲使書

柳立夫傳 皇太后 俞器之傳

黃節夫傳 皇太后 梅孝子傳

山南先生述 皇太后 二程子加封制二首

朋樂齋箴

元故翰林學士承旨中書平章政事魏國公諡文

忠李公行狀

卷四

題陳茂卿詩卷

題山房集

跋六經直音

跋竹靜齋記

書吳善父哀辭後

跋李北海永康帖

題黃給事山居圖

書石曼卿館直詩後

跋蘇公父子墨迹

跋東坡贈巢三詩

跋山谷贈元大師詩

跋崇國公墓誌銘

書先聖先賢圖贊後

跋朱張二先生帖

卷首

黃文獻集目錄

去

退補
藏板

記止善集

題脫鞞返櫂二圖

跋續歸田賦

書王申伯詩卷後

書餘姚新學詩後

題徐君行卷

記石經

恭跋御書奎章閣記石刻

跋李西臺書

跋畫錦堂詩

跋韓令公真贊

跋黃希明字說

書肯齋李公遺墨後

讀譚汝楫傳

跋荆公帖

跋米元暉帖

跋宋諸公遺墨

題吳興趙公書洛神賦

跋平雲南頌

書唐誥後

題東坡臨鍾繇書

記水樂亭詩

跋米南宮帖

題雲山圖

先世墓銘後記

先居士樂府後記

跋景傳遺文

跋景傳新店彎詩

跋張監丞代祀虞帝廟詩

書王氏忠孝堂記後

跋劉聲之詩

跋俞好問記外家遺事

題穀赫圖

卷首

黃文獻集目錄

七

退補齋藏板

書趙繼清詩集後

跋進學工程

跋胡氏家藏公牘

跋蘭亭五字損本

跋蘇黃二公帖

跋晦菴先生帖

跋清熙名公帖

跋綦母潛詩

題真文忠公小像

書仙都王公遺墨後

碩畫

與仲子書

跋葉南康遺墨

讀蘇御史奏藁

跋項可立序舊

跋致慤亭紀詠

跋何節婦詩

書曾氏家譜後

跋思親堂記

跋思存堂記

跋奉先堂記

跋和靖先生帖

跋誠悅堂記

跋常掾平反序

跋臨汝記

書申屠公墓表後

跋蘭亭序

跋御書明良二大字

跋御書慶壽二大字

跋御賜永懷二字

跋袁翰林鹵簿詩

跋武學博士諸公誥

跋王江州誥

跋危公墓誌銘

跋宋諸公遺墨

卷首

黃文獻集目錄

六

退補齋藏板

跋宋兩朝遺墨二首

跋米元章書蘭亭序

跋傅氏所受誥命

跋金滕圖

跋方承奉墓誌銘

跋歐陽文忠公帖

跋乾涓四賢墨蹟四章

書曾大父代朱簽判作啟劄後

跋唐臨王右軍二帖

跋東坡臨明遠帖

跋泰山碑

跋嶧山碑

跋館本十七帖

跋唐御史臺精舍記

跋李西臺書

跋林和靖詩

跋范文正公書伯夷頌

跋范文正公與尹舍人帖

跋徐州鹿鳴燕詩序

題東坡書秦少游龍井題名

跋默城潘公帖

跋靜修先生遺墨

跋翠巖畫

跋趙魏公書歐陽氏八法

跋錢翼之千文

跋餘姚海隄記

跋南豐曾公諡文字覆議

卷首

黃文獻集目錄

十九

退補齋藏板

書賈氏家譜後

書葉信公年譜後

跋右丞葉公上書副本

跋褚河南書兒寬贊

跋閣立本畫

跋蘭亭圖

題唐臨蘭亭

跋宋諸公遺墨

跋晦菴先生帖

跋朱掾辨誣詩卷後

跋溫公通鑑草

卷五序

陳茂卿詩集序

送葉審言詩後序

送孔周卿序

送徐生序

送養直詩序

石臺紀遊詩序

聯珠續集序

方先生詩集序

見山集序

送曹順甫序

送東川書院陳山長序

周易集說序

字鑒序

書法類要序

陸氏藏書目錄序

錢氏科名錄序

送王照磨詩序

送鄭生序

鄭氏義門詩序

夏生文藁序

送王雲卿教授詩序

送吳良貴詩序

卷首

黃文獻集目錄

三

退補齋藏板

送應教諭詩序

送汪生序

李節婦詩序

送楊知州序

送八元凱序

送高承之詩序

卷六序

送李子貞序

送饒安道序

東郡志序

科名總錄序

彭克紹詩序

送吳生歸黃巖詩序

送徐生歸吳中序

劉忠公奏議集序

徐氏詠史詩後序

六藝類要後叙

霽峰文集序

吳正傳文集序

送索御史詩序

送周明府詩序

送慈溪沈教諭詩序

贈余生詩序

師友集序

紀夢詩序

族譜圖序

族譜圖後序

送高節書院劉山長序

資正備覽序

送徐彥禮赴冀州尹序

隆山牟先生文集序

順齋文集序

繡川二妙集序

送鄭仲舒還朝序

石門六觀詩序

卷七記

卷首

黃文獻集目錄

三

退補齋藏板

湖州路總管府題名記

山南先生集後記

明正書院田記

上海縣學田記

常熟州學田記

東陽縣門樓記

松陽縣惠洽巡檢司記

平江西虹橋記

諸暨州鄉貢進士題名記

鄞縣義役記

傅氏義田記

潛窩記

慥慥齋記

鄉學記

浦江縣三皇廟記

永嘉縣重修海隄記

昌平縣石橋記

蘇御史治獄記

自怡齋記

巽菴記

江浙行中書省題名記

江浙行中書省左右司題名記

義烏縣先達題名記

義烏縣學明倫堂記

徐偃王廟碑後記

忠簡宗公祠記

重修釣臺書院記

海鹽州新作大成樂記

德清縣學祭器記

南山題名記

通濟橋記

博古堂記

卷首

黃文獻集目錄

三

退補齋
藏板

述古堂記

西湖書院義田記

沈氏義莊記

敏學齋記

閒止齋記

記高祖墓表後

湯氏義田記

寶忠堂記

學齋記

勅賜丞相冀寧文忠王祠堂記

監修國史題名記

翰林國史院題名記

上都翰林國史院題名記

中書省右司題名記

上都御史臺殿中司題名記

杭州路儒學興造記
胡侍郎廟碑陰記

樊川記
白牛鎮戴氏義塾記

婺州路新城記
松溪縣新學記

杏溪祠堂記
遠懷亭記

書東陽徐氏族譜後記

卷八 墓記誌銘

八世祖墓重建石表記
先祖墓銘石表記

先考墓誌銘後記二首
外舅王公墓記

卷首 黃文獻集目錄 三 退補齋藏板

勤有堂銘
兼善齋銘

映晦齋銘
息菴銘

圓硯銘
興讓堂銘

方齋銘
青石硯銘

恆德齋銘
張君妻趙氏墓誌銘

江浙行中書省左右司都事劉君墓誌銘

真定路深州知州致仕劉公墓誌銘

福州路總管諡景惠趙公墓誌銘

亞中大夫漢陽知府致仕盧公墓誌銘

霽峰李先生墓誌銘

楊仲宏墓誌銘

張宏道墓誌銘

黃彥實墓誌銘

青陽縣尹徐君墓誌銘

松江嘉定等處海運千戶楊君墓誌銘

茶陵州判官許君墓誌銘

江浙儒學副提舉致仕龔先生墓誌銘

奉訓大夫漆君墓誌銘 奉議大夫傅公墓誌銘

胡景呂先生墓誌銘 袁通甫墓誌銘

鄉貢進士項君墓誌銘 道一山長戚君墓誌銘

卷首

黃文獻集目錄

舌

退補齋藏板

胡君墓誌銘

鄱陽宋公墓誌銘

馮君墓誌銘

呂君墓誌銘

秋江黃君墓誌銘

外姑夫人李氏墓誌銘

前承務郎王公墓誌銘

信州路總管謝公墓誌銘

奉議大夫李公墓誌銘

青田縣尉鄭君墓誌銘

安陽韓先生墓誌銘

白雲許先生墓誌銘

卷九

慈溪黃君墓誌銘

化州路教授王君墓誌銘

承直郎孔君墓誌銘

明威將軍遜都臺公墓誌銘

穀城縣尉蔣君墓誌銘 將仕郎劉君墓誌銘

贈奉議大夫白馬縣子王府君墓誌銘

贈文林郎許公墓誌銘 成全郎張公墓誌銘

成全郎葛公墓誌銘 錢翼之墓誌銘

饒州路教授許君墓誌銘

鄒府君墓誌銘 蔣君墓碣

卷首 黃文獻集目錄

三

退補齋藏板

水西翁呂公墓誌銘

婺源州知州程公墓誌銘

承務郎倪公墓誌銘 中憲大夫王公墓誌銘

贈太常博士危府君墓誌銘 全取悲公墓誌銘

將仕左郎程先生墓誌銘

金溪曾君墓誌銘 葉審言墓誌銘

上海縣主簿吳君墓誌銘

武略將軍曹公墓誌銘 華亭黃君墓誌銘

南稜先生墓誌銘

贈承事郎葉府君墓誌銘

戚君墓誌銘

樓文翁墓誌銘

許君墓誌銘

退藏山人趙君墓誌銘

承務郎王公墓誌銘

故處士金華王君墓誌銘

龍泉章府君墓碣銘

青槎居士鄭君墓銘

卷十

宛平王氏先塋碑

故陝西諸道行御史臺御史中丞濱國公諡文忠

卷首

黃文獻集目錄

三

退補齋藏板

張公祠堂碑

故參知政事閩國公諡忠愍王公祠堂碑

未闕與

次篇題首共闕一頁

勅賜康里氏先塋碑

江浙行中書省平章政事贈太傅安慶武襄王神

道碑

朝列大夫魯國公札刺爾公神道碑

宣徽使忠亮公神道碑

遼陽等處行中書省左丞亦輦眞公神道碑

資德大夫董公神道碑

御史中丞冀國公諡忠肅董公神道碑

翰林侍講學士豫章郡公諡文安揭公神道碑

嶺北湖南道肅政廉訪使南陽郡公諡文肅鄧公

神道碑

御史中丞平陽郡公諡文靖徐公神道碑

格菴先生趙公阡表
濟南高氏先塋碑

吳府君碑
故民應公碑

董秉彙墓碣
陳子中墓碣

卷首

黃文獻集目錄

三

退補齋藏板

蔣君墓碣

石先生墓表

蛟峰先生阡表

盤峰先生墓表

翰林侍制柳公墓表

張子長墓表

卷十一

補遺

桂隱先生小傳

祁門李君墓誌銘

法師金君碑

題王雪龕詩下方

題居士公樂府

鳳凰山大報國寺記

上天竺寺觀音殿記

南天竺崇恩寺記

修祥符寺記

龍山淨明寺記

武昌大洪山寺碑

虎邱雲巖禪寺記

聖壽禪寺記

淨居教寺碑記

景德寺碑記

重修普明寺記

書袁通甫詩後

跋鄭仲舒字辭

題紫霞集

瑞雲觀記

化城院記

譜系引

周易爻變易蘊序

義烏志序

卷十二

卷首

黃文獻集目錄

三

退補齋藏板

附錄

翰林侍講學士黃先生行狀

門人宋濂

濂

翰林侍講學士江夏郡公諡文獻黃公神道碑

臨川

危素

請諡文移

諡議

門人傅亨

黃文獻公祠堂碑

宋濂

黃文獻公祠堂碑銘

并序王禕

禕

祭黃侍講先生

王禕

送黃先生歸烏傷序

張雨

送金華黃先生歸里序

楊維禎

送黃先生歸烏傷後序

陳元英

寄柳道傳黃晉卿兩生

方鳳

草堂琳藏主得往年黃晉卿吳正傳張子長北山

紀遊八詩爲次其韻

柳貫

與晉卿夜坐道舊因書贈別

全上

得晉卿博士自京寄書道左轄王公參議韓公存

省顧問之意

全上

黃晉卿提舉授官初歸

全上

和黃晉卿北山紀遊韻

吳師道

卷首 黃文獻集目錄

无

退補齋藏板

和黃晉卿

全上

送黃晉卿先生東歸

七言律詩十六首

又 五言古詩一首

次黃侍講贈陳性初詩韻

宋濂

次侍講先生游方巖韻

王禕

陪黃先生至東陽

二首王禕

壬辰春陪侍講黃公飲於趙園分韻

李唐

跋胡方柳黃四公遺墨後

宋濂

跋送鄭檢序後

宋濂

題紀行詩後

蘇天爵

文獻黃公別錄跋

葉觀

書黃文獻集別刻後

張大輪

雍正戊申舊跋

孫之琦

咸豐辛亥重刊跋

陳坡

卷首

黃文獻集目錄

三

退補齋藏板

黃文獻公集卷之一

元黃 潛撰 八天 郡後學胡鳳丹月樵校梓

五言古詩

雜詩五首

日月東西行羣動亦不息寄身萬物中甯獨謝茲役
所以魯中叟遑遑走南北聖哲諒已然旅人能久宅
晨起步南園旭日朗以清葵花眾草中曄曄敷丹榮
流光非汝私獨爾心自傾覽物有深懷竚立方含情
璞玉與寶劍淪落初未偶君看被湔祓各在千年後

卷一

黃文獻集

一

退補齋
藏板

將身比金石誰當獨長久悠悠百代下相知復何有
孤雲澹無心出山偶爲雨長風忽吹散渺渺歸無處
唯餘向來山突兀青如故憶哉魯仲連功成身已去
春風著萬物欣欣皆自私可憐兒女花榮悴更相持
獨有澗底松偃蹇如不知何疑楊執戟草元髯若絲

效古五首

上山見明月下山月相隨月豈知愛我我行自見之
故山日已遠故人不可思殷勤謝明月願爾無時虧
女美眾所說士窮世所輕輕重安足言泥盡水自清

淮陰初寄食曲腰胯下行季子黃金多妻嫂來相迎
自古已復然歎息空吞聲

擊石乃有火石火光不揚攀天亦有路天高路何長
嗟峨萬古雲下覆歌哭場富貴誠足多貧賤不可忘
落花隨風吹各自東西飛花飛既不息水流復無極
同生不同歸能勿異顏色木生則有枝豹死則有皮
悠悠歧路閒多言亦奚爲

飲酒莫盡醉盡醉無餘懽讀書莫弔古弔古多悲酸
蕭艾蔽中野白露摧芳蘭鳳飢不得死鳴臬食琅玕
去去復去去采芝青雲端

人事如草木

人事如草木一氣榮悴之外物何預人而寘喜與悲
堂堂異姓王昔者胯下兒窮通本邂逅達者固不疑
阮生亦隘人慟哭真奚爲

煌煌明月珠

煌煌明月珠未害居濁水君看黃河黃豈解污清濟
我方遺吾形寵辱齊一指懸知破琴戴未若操槲禰

微雲翳白日

卷一

黃文獻集

二

退補齋
藏板

微雲翳白日羣動何喧喧嗚呼麒麟兒化爲猴與猿
登高望四荒但見黃河奔誰哉沂其流與我歸崑崙
萎蕤青桂花霜霰日已繁豈不有桃李對之有忘言

古意足明

荆人初得玉跗足辭巖阿持獻萬乘君君門正嵯峨
誰其尸國工謬以石見訶迷邦誠不忍欺君反同科
臣口不自明臣心終靡他抱璞重再拜呼天淚滂沱
淚盡血可續玉在良已多是事古則然嗚呼今奈何

連雨雜書五首

卷一

黃文獻集

三

退補齋
藏板

蕭蕭十日雨出門竟何之不愁道路難所懼沾我衣
悠悠看屋梁作計誠已非有酒不解飲且遂哦吾詩
昔慕栗里翁頗復志耕耘偶入翰墨場把筆學爲文
偃蹇獨何成喧啾浪云云念彼荷蓑子窮年愧其勤
虛堂坐無言繾綣悲宿昔常時眼中人已如不相識
剝啄者誰子令我喜折屐忽去已莫追一笑岸元憤
我思仇山人山川莽回互十書九不到木葉歲頻暮
頗聞近移居併失夢中路得無挈妻兒倒載入山去
今日曷不樂孤倡無與酬兀坐把書卷展玩不自休

借問誰所爲其人已千秋山雨政可聽撥書置床頭

晚晴

洩雲散積雨林木含餘清披衣有奇懷偶從林叟行
新晴遠峰麗夕陰孤花明曠日固所虞聊茲息營營

夜歸

空山四寥寥落日翳榛莽蜿蜒草中徑躡屩度寒雨
楠杉窈深黑忽疑伏虎林窮澗水明稍聽歸人語
陪諸老夜飲

世故不可料忽若浮雲移坐令百年內顛倒殊歡悲

卷一

黃文獻集

四

退補齋藏板

顧惟我與公異代同一時覽古旣深嘍撫今亦餘噫
長川去悠悠青山莫委蛇向來遠遊意我行方遲遲
咄哉有志士卒歲恆寒飢況復託渺茫欲與千載期
盈虛信天運廢興豈人爲願公姑舍是一觴聊可持
讀忠簡宗公遺事

公初起滄陽艱危屬多壘蒼然國家意委身干戈裏
陰飈卷翠華朔雪披南紀悠悠虞淵日力盡揮不止
寅恭秉齋鉞際會開朱邸長安付馮異漢業中興始
宮庭數汎掃蹕路無荆杞疚心望鑾輿感激涕如水

上表方出師嗚呼孔明死宴安不可懷肉食母乃鄙
巨舟竟未焚三語猶在耳蕭然舊祠下碧草垂堦屺
登堂挹光儀赤烏仍几几千載墮淚碑一夫敢殘毀
傳家有遺書叙事非虛美曷哉慎失墜庶以裨信史

曉行湖上

曉行重湖上旭日青林半霧露寒未除鳧鷖靜初散
黃緣際餘景閃倏多遺玩會心乍有得撫已還成嘆
夙予丹霞約久茲芳洲畔獨往願易違離居歲方換
沙暄芷芽動春遠川華亂存期乃寂寞取適豈爛漫
小隱倘見招漁樵共昏旦

西峴峰

層雲抱春岑急瀨洩嵌竇修蹊入窈窕眾綠蔚以茂
名亭標水樂柱折荒碑仆幽尋得緇廬亂石扶結構
青精午堪飯碧澗寒可漱平生慕真賞及此成邂逅
冥探指絕頂有路忽通透緣蘿度蒙密翠氣溼衣袖
寄身沅寥內下睨人寰陋清謳雜風竹大嘯落巖狖
東峰在眉睫可望不可就同遊卻何時瑤草春已秀

夜興

卷一

黃文獻集

五

退補齋
藏板

秋氣入病骨殘夢儵然驚芭蕉葉閒露風過皆成聲
攬衣沈寥內搔首天河橫飢蟲語不休中宵誰汝令
孤鴻亦何苦犯霜度微明悠悠念羣動百感忽我并
大化倘不爾吾其免營營

寒星挂疏林夜色翳餘暝雞聲驅行客出門路方永
亦有山中人熟睡初未醒而我立於獨婆娑玩光景
一笑天宇青此意君自領

舉頭見殘月葉脫知深秋今我曷不樂歲月如驚鷗
常憐古志士辛苦歌飯牛空山夜漫漫政合秉燭遊

卷一

黃文獻集

六

退補齋
藏板

臨風振吾衣蕭瑟不得留小立殊復佳澗水鳴幽

陳生詩

陳生少也孤秉志何軒軒讀書奉慈母承顏郁春溫
兀然處膝下不閒晨與昏叢叢萬井中陳生深閉門
暉暉百花時陳生不窺園常恐去左右或乖覆育恩
一朝抱長痛飛霜隕秋萱鹽酪不入口日夜涕傾盆
欲娶弗及養矢言終不昏尙賴百歲後兄子父所孫
朝來遊子衣忽逐東風翻世方醉糟粕何庸薦犧尊
陳生顧謂我是事安足論幸託山水窟放情詠蘭蓀

嗟今學步者觸險爭飛奔願爾利鋤鏹深斲六籍根
願爾進竿艫高泝百聖源源長流自遠根大枝乃蕃
勿搖崔嵬筆誇作礪礪言弘惟孝與悌百行茲其元
咄哉行勿休日月方法贈言豈予敢情真覺辭繁
匪爲陳生榮庶感薄俗敦

述懷

端居有多感求志無餘營夙違金門路緬愛丹邱名
謬忝君子顧捧已厠羣英卑棲念遠引窘步迷先征
俛默敦宿尚低徊阻平生伏枕倦中夜攬衣寄遐情
上天廓澄穆列宿揚光晶俯視林木改仰悲鴻雁鳴
歧予秉微素十年守柴荆希世乖近務慕隱餘衷誠
願言良時晚庶保幽人貞

寄方子踐子發

窮居悵無遂徂歲聿載陰飛翹隕芳華候蟲厲哀音
急颺扇叢薄泣露棲喬林撫景慨往古端操思繼今
折蘭閒幽佩解纓濯清潯石林窅葱蒨佳柏鬱蕭森
遺世豈予敢匡時非我任覽已謝高軌卽事念所欽
纏綿阻道里緬逸眺岡岑委懷竚芳訊貽好在規箴

卷一

黃文獻集

七

退補亦同
藏板

寄俞子易

閉居寡歡豫枉駕忻周旋清言邁修夜朱火銷餘煙
嘉會良不易鬱抱罄所宣揆余徇微業春冬屢徂遷
著微忤往哲馳芳謝時賢睠茲企參益揮袂增慨然
杪秋淒且厲郊圻曠阡眠振飈卷飛藿積霧迷遐川
契闊歲復流瞻望情所牽存期尙勿奪輔仁庶不訾
紫芝無新曲白駒有遺篇矢心遂招要贈言比芳荃
東園晚歸

洄湲嬰近務超遙愛佳辰興言望東菑良苗藹津津

卷一

黃文獻集

人

退補齋
藏板

鄙人昧時趨曠途夙所遵幸遠簪組累稍欣田園鄰
兀兀登故畦悠悠睇城闔理穢出新竹撼枯落荆薪
夕日逗遠川餘暉散衣巾疊疊觀物變依依念農人
渠渠長者言惻惻非賤貧

送凌吉叟之杭州教授

浙水西八州惟杭實名都古來萬人海逐逐無賢愚
况茲百年後瀟朴古不如翩翩誰家兒白馬驕路隅
春風樊樓醉一笑百斛珠亦有朱門家齊謳聞吳歛
綃綺散烟霞繽紛被童奴可憐彼蚩蚩久爲紅塵驅

頽俗如波瀾孰障羣流趨又如敗屋壁風雨須人扶
博士非冗官豈卽無良圖當今歌舞場化作弦誦區
行矣循所務辭章信其餘春風摻別衣晴沙秀寒蘆
何以贈子行白雲不可呼聊持狂者言用比貂襜褕
送朱仲山之京

麒麟出渥洼意欲周八極芻豢不多未便甘伏櫪
念君抱耿耿坐視暄涼易忽辭白髮親去作青雲容
應恐鄧仲華笑爾長寂寂鄙人屬有念未辦經世策
青燈雨如綫窮巷方偏仄懸知摻斧斤不必睨樗櫟

卷一

黃文獻集

九

退補齋
癡極

往哉布汝懷庶用副前席勿云萬戶侯自可談笑覓
百年滔滔內跂路足南北出處會有爲聚散奚暇惜
歌我辛苦詞送子遠行役崢嶸壯士志慘淡游子色
那無平生期慎爾保金石莫將賈生淚先爲離別滴

贈葉審言別

昔人稱好士乃有黃金臺黃金亦何物顧用驕賢才
葉君披短褐志力何雄哉北走叫閭闔紅塵指崔嵬
終然無苟售自保同嬰孩車服非吾榮黃金直浮埃
十年今何官茅屋歌蒼苔豈無琅玕樹鳳飛故低徊

一朝脫身去歛觀雲路開葉君善自愛往矣毋嫌猜
迷邦古所謂豈弟貴不回願言吐奇胸落落排風雷
尙念窮賤者衡門守蒿萊

舟中偶書

我舟合江潄水清石額額念此殊可嬉如何有行役
沙頭白髮翁捫蝨了晨夕茅茨八九椽終歲閱過客
晚泊釣臺下

四山環一水遺臺故巘岿那無漁樵居政復不敢安
舍舟衝微雨憑軒俯清灣念昔乘興來無從寄游觀

卷一

黃文獻集

十

退補齋
藏板

今我有行役乃爾容躋攀山靈豈愛我爲解塵土顏
落日奠蘋藻清風聞珮環幽尋不可極林暝吾當還
卻去望層碧孤舟生晚寒

登鍾山最高頂以三山半落青天外爲韻得天

字

平陸漫千里茲山乃穹然猶憐布金地未卽辭喧聞
巖液散珠琲春岡走蜿蜒稍欣涉幽邃登頓衣屢寒
路細石礚礚崖深竹娟娟洞扉割開廠峻峰指中天
冥探歷嶽峯垂蘿弱容牽碧潭隱光怪華雨標崇筵

下睨飛鳥背茫茫但蒼烟眇然予圃期淒涼雲嶠篇
休駕將未能惆悵春風前

休日集于城南

投耒從遠遊牽世乖明略豈不有簡書未能置邱壑
崇岡近盤互春物紛照灼休沐集諸彥迂趾惠前諾
稍空林中尊復詠霞上作迢迢歷墟壠靡靡瞰城郭
修楊蔭晴渚野櫻散朱萼撫時悼推斥畢景顧棲託
損益向子明才能賈生薄瞻言觀歲寒無將媿場藿

卞忠貞公墓

黃文獻集

卷一

七

退補廌齋
藏板

江左失其御強臣布中區歡娛一以乖狂獠無趨起
黃屋播草野彤庭交劍受事樞始誰秉捧首如奔狐
俾茲百世士死與二子俱孤衷耿未沫足以孚豚魚
義旗果東指白日開天衢孰最撥亂功之人或其徒
伊昔大雅廢清言鄙文儒禾黍已橫委衣冠尙舒徐
屹然見砥柱獨障狂瀾趨高風邈難攀捐生乃其餘
青簡煥遺烈蒼榛闕幽墟日夕悲吹多天高年運徂
世方用散散猶將愧元虛江濤渺在望雪涕空漣如

制使馬公祠堂

朔風破滄溟白浪無餘地可憐甘棠樹乃爾能蔽芾
借問誰所遺馬公古能吏當年印纍纍庶務劇于蝟
藏龜不待灼騁駿無留轡偏仄兵馬區藹然承平意
晏安亦聊爾國步方不易至尊久嘗膽壯士頰裂背
煌煌青冥鉞可同牛刀試嗚呼豪俊人竟偃風雲志
致身豈云卑生世已其季安知潁川守遂非廟堂器
巖祠閉寂寥古木合蒼翠平生瓣香祝毋乃兒女事
如何百載下能墮看碑淚永惟茂陵翁苦心抱天藝
力耘宜有收黽勉觀來裔渠渠桑梓恭喋喋市井議
庶哉瞻前修樹德毋自畏

送人赴廬陽學官

播非人所居潭陽實其鄰荒淫雜巫鬼哀怨餘騷臣
念子有行役水陸彌數旬乃知臯比座佇承文翰賓
遐徼指天末男邦控城闔俎豆當在列冠裳定來臻
足明理化盛演溢周窮垠廣陌望八荒出車日鱗鱗
蠻荆孰無適忠信惟書紳簡書有程期取別無逡巡
揚鑣觸炎熱振鐸驚遠人沅水春蕩滴楚峰暮嶙峋
行行慎其度離別何苦辛

卷一

黃文獻集

十一

退補齋
藏板

曉望

城頭鴉鳴曙起坐理冠幘開窗寫遙望烟霧竟川澤
喧喧市聲動漠漠并氣白如何山中人歲莫塵埃客
發金陵留別一二同志

盛名不易居直道我所遵雖枉嘉遯志未渝白圭言
罷釣出滄海迴帆遡江濱城闔遠滅沒風水屢崩奔
蕭條故交地愴恨遊子魂始雷茂陽澤孤生限窮鱗
沈翔自殊勢衰榮實同根戰勝物可遣目擊道已存
乘桴詎無取絕絃難具論寄言同心子毋徒念加飡

龍灣夜泊

卷一

黃文獻集

三

退補齋
藏板

乘潮出遠浦日莫北風平高亭不可望遙遙笳鼓聲
月明寒雁下江空夕烟生非關川途念沈憂坐自盈
敬亭山

昔窺謝公作今陟敬亭寺微素忻始遊賞勝資深詣
脩脩綠水木宛宛交蹊術綠縟澗草豐幽颺松颺駛
微鐘響香障高閣浮花氣聿熏旃檀妙豈愛岑壑媚
憑生實內暢卽事多冥契息陰睠枌檟褰芳懷芝桂
海岳期屢遷石林路深闕經營乖道要迫窄餘物累

稽首調御尊尚飲無生惠

宿雲黃山作

束髮弄文史挂席去瀛壖邂逅乖良會擯落迨茲年
息景念生理洗心賓象筵恭惟上皇代異人祕靈詮
宗師既逾海茲山亦棲賢金棺滅雙樹寶篋緘紅蓮
仰窺攝誘功信知願力堅內愧實菲薄冥通未精專
褰裳碧峰雨挾香石林烟縹翠何紛糾苔澗窅泅泮
尋幽匪外適蘊真冀重宣二邊離有無五濁空腥羶
豈伊俄傾用庶謝平生緣

重登雲黃山

卷一

黃文獻集

古

退補齋
藏板

茲山寶靈奇吐納變舒慘太常闕弗錄名號何黥黥
重華秩山川盛典軼封礧蒐遺侈綸綍蠲潔羅醞醜
腐儒世所貸薄藝守鉛槧無能旅駿奔徒取肆游覽
霖潦時始收天地餘藹晻嵐光乍璘璫石狀終醜黤
行行恣芒屨往往得洼坎冒進誠近貪自畫將豈敢
久之零埃豁秀色坐可攬青熒插鋒鏑翕焔披蒨菴
崖奔馬駢駢石踞虎眈眈高尋指天路幽矚極元窞
前行幾台背後或兩髦髮緣岡既蹉踣登嶺仍輜輶

舉頭塔廟溷地平忽如毯天人所食息瓊玖化餘糝
林輝寶燈燒風雨金鐸撼敗壁詩者誰漬墨亂濃淡
險盡乃復佳疲極復何憾是節蕤賓初野薦首昌歆
煮瀑茶可啜剖石密堪噉名談析毫髮苦語瀝肝膽
理冥心自珍機湊首屢領陽烏砦西翥眾色齊慘澹
崔嵬識榎楠蒼莽辨葭菼暮投僧所寘鍾鏗鼓統統
羣居肅不吳共飯聲有噴迴睨夸奪場撫事叢百感
趁名蛾赴燭逐利魚投糝何時脫火宅霍若頭去領
綺言息誦誦妙供紛醢醢于焉寄相羊庶以忘坎墮

卷一

黃文獻集

七

退補齋
藏板

誰云入道苦餘味需橄欖

吳音話
詳也

秋夜觀書作

閒居感時駛獨學難爲功眷言思古人幽懷極忡忡
秉燭起中夜攬卷來清風恭惟千載心皎潔懸無窮
氓俗自升降道妙非汗隆後來亦奚爲黑白紛相攻
華芳昨可悅軌轍何由通吾將離言說庶以觀其同
所憂物爲累不懼蓄不豐開軒視明河白月當天中
怡然掩書坐夜氣方鴻濛

覽元次山春陵行有感近事追和其韻以寓鄙

惟王始建官民命有所司奈何閱流殍束手無一施
屬者秋夏交上狀殊酸悲赤日紛按行人馬同時疲
連阡見標榜不救饑與羸仍聞恣鞭箠慘怛傷膚皮
檢覈須再三供張常恐遲哀哀鬻兒女貿貿行安之
感茲欲無愬旣往何由追尙慚噢咻恩稍緩租稅期
云胡有倉卒徵斂更相隨但將充其數肯復計爾貲
肉食不自鄙謂我非敢知棲棲甌石儲剝割無或遺
言是鄰壤凶藉此敷恩慈甯知是州人俟死無他爲
出語餘喘息行步須扶持猶令比樂土疾苦喘謂誰
俛首州縣間逭責自其宜況迫大府令聯絡飛符移
豺狼方在郊鷹隼宜用時區區獮狐兔政爾何增虧
吾賤不及議爲君陳苦辭

登錢山望菰城慨然而賦

吳興水爲州諸山若浮萍況此一培塿瑣屑世未名
所欣漁樵居乃與緇錫并種竹有萬竿結茅無十楹
老僧解人意躡履能相迎芳草被行逕朱藤暗巖扃
蕭條空堦暮日照莓苔青猶嫌所歷卑未極遊眺情

卷一

黃文獻集

六

退補齋
藏板

聳身白雲上始見春中城想當高會時樓觀飛青冥
竭海薦疊勺窮山羞鼎錮安知千載後寂寞無人行
煌煌冠蓋區攘攘狐兔瑩歸來朱門客聽此松風聲
逸山過姚紫英別業

逸山誠復佳逸人不可逢何言一笑頃得此蒼髯翁
今晨過其廬碧苔滅行蹤坐我松竹間野蕪羅甘豐
初無驚世談頗多曠士風念昔去巖壑輟耕白雲中
白雲故無恙我乃羞樊籠祗應山林癖未易藥石攻
高期出邂逅意氣將無同十年舊泉石忽忽蟠吾胸
起視白日低歸禽亂西東拔地森四壁攬天唯一峰
復聞麻谷幽近與金蓋通山態方屢改泉源殊未窮
湫然一區內嗟我何憧憧

次韻答蔣明府先生

文章不經濟耽書或成淫偶從長者游稍窺古人心
不琢豈非玉無絃孰爲琴歲宴燈火微江闊魚龍深
願言報嘉貺安得雙南金

和方韶父先生以滿城風雨近重陽爲韻七首

掩書坐中宵堦空葉落滿不見書中人蒼燈夢秋館

卷一

黃文獻集

七

退補齋
藏板

豈不有膏沐所慕非傾城翠袖日以薄曷哉歲寒情
棲遲憐繫瓜夢寐追飛蓬去去羊荊州吳帆渺霜風
當年白衣人賴以慰風雨不飲政復佳有酒無用潑
江瑤配荔枝勝處終不近好醜且勿爭天道有定分
聾丞遂已矣目斷山千重烟霞故無志勝會何由逢
寒華衰復榮東籬幾殘陽蟠桃亦何好千年期一嘗
金華北山紀遊八首

靈源

偶爲山中游遠過雲關宿蒼燈閃初夜雨氣蒸深屋

卷一

黃文獻集

六

退補齋
藏板

時聞清梵音窈渺松林曲

草堂

迢迢上方界水木翳清景山深不可留日暮衣裳冷
淒其懷昔游百歲嗟俄頃

三洞

仙山高不極萬古積蒼翠清興薄暮移遺跡洞天祕
巖阿春寂寥羣仙勿予遲

遲待也

鹿田

披榛度空荒突兀崖寺古幽花雜紅白老屋亞雲雨

前瞻石徑微咫尺不得取

寶峰

下山復上山躡屩行沮洳宿雲冒長嶺旭日映高樹
山僧亦何爲獨向城闌去

潛岳

潘公古達人陳迹闕邱壑草生春晝長鳥啼巖花落
神交千載上未敢付冥漠

山橋

行行指木末路逐飛雲上時登巨石憩共聽春泉響

卷一

黃文獻集

五

退補齋藏板

尋源竟莫窮卽事成幽賞

寶石

暮投招提境明發首歸路舉頭望山椒遙認經行處
重重巖壑閒蒼然正烟霧

中秋會宿浦陽江上分韻得仰字

嘗窺仙華錄勝踐心所仰蹉跎二十秋故爾勞夢想
名談出邂逅高槩餘褊彷彿節至月仍圓別來山似長
百年空中絮此會知難兩欲去吾未能不飲君宜強
露蔓多夕滋風竹留晚響歧路方悠悠云何稅塵鞅

龍山九日

鬢色滄海溼彌年窘將迎屬茲九日至緬愛龍山名
欣然得勝踐况乃羣彥并碧蘿引幽策涼泉度飛觥
志適形可忘神舒體逾輕鄙劣竟何取醜顏結華纓
登高謝能賦狗祿慙歸耕幸此農事休萬寶咸告成
庶竭一餉樂持用夸昇平月出眾山靜天空夕雲驚
先民貴無荒簡書今有程悵焉難久留振袂松風生
石臺分韻得下字

蒼山面長溪勢若飲奔馬層臺跨其脊萬古挹瀟灑

卷一

黃文獻集

三

退補齋
藏板

登臨茲維要朋從未云寡迢迢歷榛莽靡靡眺原野
白雲與翠霧曩在履屐下窮秋向搖落霜菊政堪把
賞心孰無同幽抱欣已寫邈矣千載期銘山俛來者
雍熙僧舍偶書

幽牕悄無寐落葉不可數風驚葉閒露中宵聽成雨
起視天正碧萬里若垂宇茲予亦何爲兀兀守環堵
送楊學正還餘姚

舜江吾舊游風物殊不惡江水天際來宛宛帶郊郭
雲帆渺沙澈翠嶂森樓閣別離不可念此日忽已昨

想見春水生烟柳仍濯濯君胡又去此三徑獨盤礴
空齋耿燈火月冷潮聲落近聞故人書遠致江上作
白駒幸無遐淮陽詎云薄招要忻良會綠酒春可酌
采芹有遺篇風雩多新樂因君訊同志何用慰離索
奉府帖賜高年帛晚宿孝義山中賦

棒檄去州邑承筐布明恩詎敢期稅駕惟知懼乘軒
時春雨新已嘉木陰正繁農人有耕作羽蟲亦飛翻
感彼物情適念此王事敦悠悠迫長路靡靡窮郊原
庶與遺老逢幸聆長者言持以薦芹曝無慙賁邱園
低徊白日晚寂寞蒼山根吾行匪游衍此懷誰與論
遊西山同項可立宿靈隱西菴

卷一

黃文獻集

三

退補齋
藏板

薄游厭人境振策窮幽躅理公所開鑿遺跡在巖麓
秋杪霜葉丹石面寒泉淥仰窺條上猿攀蘿去相逐
物情一何適人事有羈束卻過貌峰迴遙望松林曲
前山夜來雨溼雲漲崖谷縹渺辨朱臺禪房帶修竹
故人丹邱彥抱被能同宿名篇聊一詠異書欣共讀
蹉跎未聞道黽勉尙干祿夙有邱壑期吾居幾時卜

送祝蕃遠北上

春風吹九衢，卑卑桃李門。明堂待松柏，未失山林尊。
相逢今歲寒，是事無深論。念子抱遠志，此道夙所敦。
刊條落其葉，將使見本根。痛恨日月微，毅然闢浮雲。
奈何夸毗子，聚訟生紛紜。瀛洲富才彥，冠蓋如雲屯。
去去當遇合，美價傾璵璠。惟須用卿法，力行尊所聞。
丈夫必有事，寤主在一言。上以裨聖學，下以安元元。
我如鶴俛啄，豈復思乘軒。子如搏風鵬，本是天池鯤。
棲棲文學掾，平世何足云。勗哉保令德，契闊期無諼。

陳孝子詩

卷一

黃文獻集

三

退補齋
藏板

南仲杭陳氏，斗龍父所名家。臨百丈溪，父書傳考亭。
夫亦人之子，胡獨以孝稱。維仲適母盛，王實生甯馨。
盛謂我已出，無殊祝螟蛉。仲父諱弗言，王卒不自明。
睠然舍之去，呱呱聞泣聲。年運日已往，頭角稍崢嶸。
籲天乞殞滅，願以益父齡。父沒盛亦亡，弔影傷孤甍。
或乃告之故，曰汝王所生。王居清湖上去，此無十程。
時仲新捧檄，精廬擬橫經。悲號棄其官，肩輿親奉迎。
安知世代易，人非餘故城。鄰有鶴髮嫗，叩之久始應。
言我與汝母，少小俱娉婷。汝母生汝歸去作江東行。

不知今在無老我猶零丁仲也聞益悲羸糧事晨征
六年困逆旅冷雨啼青燈譬彼無母雛投林輒哀鳴
永豐有施氏大屋深重局於焉得母處一夕相合并
母子更抱持淚如九河傾三日負母還盜賊方搶攘
倉皇與之遇白刃紛交橫頓首前致辭醜縷陳衷誠
能令激高義相戒勿敢驚仲昔以至行上天降休禎
靈雁既羣集嘉瓜復冬榮區區彼蟲豸豈遂無人情
聖門語純孝厥有閔與曾未聞樹奇節謠誦傳轟轟
此道古或希此事今可徵我歌雖云俚庶感蚩蚩氓

上京道中雜詩十二首

發大都

辭親獨行邁遙遙抵京國胡爲突不黔驅馬更遠適
至尊有時巡樹羽殷阡陌宿衛必近臣顧問須耆德
陋儒亦何知冗從同執戟草深原野青雨暗關塞黑
寥寥盛年意眷眷游子色一身萬人中敢不思努力

劉黃祠堂

劉君古遺直祠堂在邱園嗟此豪俠窟文雄歛孤鶩
平生二三策匪微明主恩瑣瑣談得失無乃市井言

卷一

黃文獻集

三

退補齋
戒友

憑高一長望若厭車馬喧微風過疏雨青山滿前軒
陰晴倏異態浮雲實無根悠悠千載心去去勿復論

居庸關

連山東北趨中斷忽如鑿萬古爭一門天險不可薄
聖人大無外善閉非鍵鑰車行已方軌關吏徒擊柝
居民動成市廬井互聯絡幽龕白雲聚石礎清泉落
地雖臨要衝俗乃近淳朴政須記桃源不必銘劍閣
僕夫蹠謂我無爲久淹泊山川豈不好但恐風雨惡

榆林

卷一

黃文獻集

五

退補齋
藏板

崇崇道傍土云是古長城卻尋長城窟飲馬水不腥
斯人亦何幸生時屬休明向來邊陲地今見風塵清
禾黍被行路牛羊散郊坰儒臣忝載筆帝力猗難名
槍竿嶺

憶昔賜第歸吾母適初度蹉跎歲月晚今辰乃中路
居人誇具慶游子慙叱馭茲山稱最高揚鞭入烟霧
矗矗多峭峰濛濛饒雜樹崎嶇共攀援躑躅頻返顧
陳情未成表登高詎能賦獨憐山下水遠向盧溝去

李老谷

緣崖一徑微入谷雙崦窄密林日易曛况乃雲雨積
行人望烟火客舍依山色家僮爲張燈野老煩避席
未覺風俗殊祇驚關河隔嚴程不可緩子規勿勸客

赤城

雞鳴秣吾馬晚飯山中行何以慰旅懷赤城有嘉名
灘長石齒齒樹細風泠泠時見巖壁開粲若丹砂明
溫泉發其陽搗訶勤百靈前峰指金閣眞境標殊庭
白道人跡稀青崖雲氣生信美無少留緬焉起深情

龍門

卷一

黃文獻集

三

退補齋
藏板

竦身望龍門緩轡行兀兀溪迴愁屢渡雨橫驚暴溢
兩崖儼相向百水怒爭出人言馬上郎快意每多失
自非渥洼種不得矜捷疾飄飄蟻蝨臣凜凜鼇鼉窟
皇靈重覆冒利涉用終吉迴睨向所經千嶂隱朝日
青林外盤紆黃流中蕩潏後來未渠央君子宜戰栗

獨石

解鞍及亭午稍欣烟霧收蒼然眾山出歷歷如雕鏤
前瞻一石獨靈宮居上頭頗聞去年夏水激龍騰湫
走避登屋上夜半齊呀咻幸茲溪澗中今作清淺流

宴安不可懷變化誠難求翠華渺在望行矣毋淹留
擔子窪

自從始出關數日走崖谷迢迢度偏嶺險盡得平陸
坡陀皆土山高下紛起伏連天暗豐草不復見林木
行人烟際來牛羊雨中牧颯然衣裳單咫尺異寒燠
佇立方有懷相逢仍問俗畏途宜疾驅更傍灤河宿

李陵臺

日暮官道邊土室容小憩漢將安在哉荒臺猶髣髴
低徊爲之久懷古增歎歎長風吹曠野飛雨千里至

卷一

黃文獻集

五

退補齋
藏板

蕭條蒼山根草木餘爽氣常憐司馬公予奪多深意
奏對實至情論錄存大義史臣可述作遺則敢失墜

上都分院

晨興過桓州旭日生蒼涼舉頭見觚稜金碧何巍煌
洪河貫其前青山環四傍暮投玉堂署鼇峰屹中央
升階旅羣彥官燭分餘光琴冊森在側談笑來清觴
列坐無所爲陳詩詠黃唐帝鄉豈不樂父母遠莫將
起視雲漢低垂星爛寒芒南飛有冥鴻邈哉天際翔

遊寶陀寺

十年望滄海臨海不能度蒼茫歲華晚邂逅舟楫具
拂衣乘天風挂席隨烟霧旦從蛟門發暝投翁洲住
前瞻積水深島嶼青無數梅岑特孤絕遙見日出處
寄身人境外矯首禪關路粲粲金砂石離離白花樹
高期愜幽抱歷覽增遐慕俯伏苔磴閒庶與眞靈遇
二邊非可取三觀何時悟嗒然坐忘言目送寒潮去
雪竇紀遊八首

移舟泊泉口我行已信宿天寒洲渚生峰迴川途曲
烟霞蘭若高別墅在林麓

卷一

黃文獻集

七

退補齋
藏板

攬衣待明發石路何幽阻日出不見人林深但多虎
乳峰稍已近恐懼那復數

高人欣相迎山門帶流水風生珠樹閒月窺鏡池裏
觸景遂成迷應接殊未已

幽尋指山椒崖傾忽如瀉俯身視木末懸水在足下
冥冥巖岫中宴坐奚爲者

亭亭妙高臺迥出千峰上怪松多十圍巨石非一狀
心賞孰與同昔賢有餘唱

蕭然上方境人稀知地僻中峰路難辨丹山雲仍積

徒聞古仙人石上餘足跡

詰旦逾西岡草木益深秀梯苔下絕巘坐石看飛溜
陰靈多窟宅欲往不敢又

興移初出山繫纜長汀樹夜來雪已深溪風水難度
猶疑鐘磬音遙遙白雲處

送曾止善孔廟司樂

周官重司樂典教專成均如何千載下實去惟名存
之子負遠志被褐徂冬春低徊不自衒保此席上珍
小試特毫末食祿同庶人幸與駿奔齒位卑號仍尊

卷一

黃文獻集

天

退補齋
藏板

既殊仕伶官況及游聖門金石方在耳頌聲未崩淪
聞風苟有作薄俗斯還淳嗟予領胄子四術空遺文
鏗鏘尙莫辨論說將何云臨分用自愧贈言聊具陳
同王章甫待制校文上京八月十五夜宿龍門

驛

涼風墮黃榆萬馬皆南馳而我方北首度關及鳴雞
石路更幽阻僕夫慘不怡徐驅待明發決滯窮烟霏
貂裘者誰子怪我逢掖衣爲言霜露多遑遑獨安之
我非不自愛簡書今有期憶昔州縣閒折腰向小兒

桂苒二十年白首初登畿同袍如燕鴻去住恆相違
悠然慨平生與世何參差暝投龍門驛高館臨迴溪
青崖拱白月水木含餘輝秋色故瀟灑我行殊未遲
相從況魁彥炯若珊瑚枝衰暮奚足云一觴聊共持

送鄭以道

鄭君不羈客漫仕常優游故人滿天上獨佐嶺南州
嶺南風土異去天將萬里驛騎如流星眾手挽不止
到官定多暇坐對梅花時溪石秀可硯泚筆成新詩
詩成付迴雁動是春冬隔用儒行召君努力崇明德

送王君冕同年歸長安

昔忝膺薦送被褐趨上京蒙恩賜清問彙進陪時英
束帶仕州縣暫爲閭里榮蹉跎二十年來拂舊題名
升沈久已判存歿復堪驚忽逢王明府話舊欣合并
蕭條逆旅中書帙亂縱橫坐閱車馬喧澹焉若無營
雖懷帝鄉樂不受世網嬰寵辱端可齊去就一何輕
空餘綈袍戀猶軫故人情予方徇微祿未能返柴荆
終然無補報白髮日夜生如何同遊處餞此千里行
度關秋風起落木寒蟬鳴相思阻良覲惻愴何由平

卷一

黃文獻集

五

退補齋
藏板

題杜左司西巖詩卷後

吾聞古達士大隱非山林如何鷓鷯閒白駒起遐心
遙遙望故山紫塞繚以深峰巒勢交集積翠千萬尋
園廬在其下門巷常愔愔軒窗帶流泉花木久成陰
春秫足新釀亦有書與琴終然戀魏闕未忍投華簪
平明奉朝退粉署鬱沈沈披襟坐高閣獨對西山岑
爽氣幸可致塵慮安能侵勿云須吾土始用窮登臨
異方苟同得視古猶視今聊爲招隱篇往和巖中吟

題象山環溪圖

卷一

黃文獻集

三

退補齋
藏板

崇山標地靈萬古聚清淑堂堂故相家高風在喬木
伯翁上天去逸響今誰續優哉四千石接軫飛華轂
夫君冰雪姿乃爾抱幽獨翩然來帝旁霞裾儼初服
侍祠明廷上厭直齋廬宿晷言懷舊居結構依山麓
軒窗對晴嵐林抄出懸瀑散爲百道泉噴薄翻珠玉
餘潤之所蒙秔稻豐比屋春事日向深桃源酒方熟
往來無俗鶴異書仍可讀歸歟定何時專此溪一曲
相逢京洛閒紅塵眎人目披圖覲佳致山水增新綠
先賢止息處杖屨存遺躅愛山錫嘉名惠幸及樵牧

于于後來者，猶或被膏馥，安得從君游青雲，兩黃鵠。
題趙涼公瑞瓜圖

慶門集嘉況，異瑞呈瓜田。生五而成十，奇偶出自然。
觀物可知德，發祥匪由天。願言植靈苑，永奉君王前。
合形表同休，雅詠流綿綿。

歲晏

歲晏木葉落，遙見東城隅。雉堞鬱嵒堯，列屋何蕭疏。
悠悠西南望，赫赫金張廬。退朝集冠蓋，鳴珂沸通衢。
合遝多俊游，並轡飛華裾。顧盼有光彩，行者爲踟蹰。
俯慙筋力微，無從效馳驅。日斜坐官舍，還拂案上書。
緬彼川路長，感此年運徂。遲迴不能去，歎息將焉如。

送陳太祝

夫君青雲彥，早通金閨籍。弁服勞駿奔，執事謹朝夕。
忽乘使者車，意氣何輝赫。將指固有嚴，爲務本非劇。
經營禮文事，詎日期會迫。定知多餘暇，時復肆游歷。
向來佳麗地，觸目成陳迹。西山獨偃蹇，不改太古色。
相逢幾遺老，慷慨語疇昔。芙蓉君子花，兄以娛使客。
我方守一官，兀坐如龜息。當歸更淹留，臨別增感激。

長風吹遠塵浩浩千里白欲附南飛鴻安得生羽翼
送王鍊師歸四明

飄飄采真侶乃在四明山霞裾朝帝所瓊館留人閒
忽聞雙鳧舄御向東南還望之若流星邈然不可攀
海月照堦所天風飛佩環我何苦羈旅冰雪生朱顏
集淵明句題李中甫員外稼亭

東方有一士客養千金軀束帶聽鳴雞出則陪文輿
代耕本非望暫與園田疏園田日夢想投冠旋舊墟
興言在茲春新疇復應畚田父有好懷過門更相呼

卷一

黃文獻集

三

退補齋
藏板

披草共來往履歷周故居悠悠待秋稼時還讀我書
雖未量歲功栖遲固多娛此事真復樂此語真不虛
餞送傾皇朝歸子念前途前途當幾許直至東海隅
古時功名士事事在中都遙遙沮溺心君情定何如
集淵明句題胡主簿嘉樹軒

孟夏草木長霜露憔悴之藹藹堂前林冬夏常如茲
嚴霜九月中卓然見高枝如何捨此去白日掩荆扉
深谷久應蕪此蔭獨不哀屯倪六九年懷此貞秀姿
常恐負此懷未足爲高栖及時當勉勵慷慨思南歸

親戚共一處日夕歡相持披榛步荒墟登高賦新詩
坐止高陰下一觴聊可揮從今至歲寒縱心復何疑
永嘉王君自製挽歌辭蓋能安死生而永忘情
乎死生者也集淵明句以釋之

自古皆有沒我今始知之居常待其盡逝將不復疑
人生無根蒂去來何依依既來孰不去奄去靡歸期
復得返自然人閒良可辭何事空立言念此懷悲悽
日醉或能忘一觴聊可揮且極今朝樂千載非所知

丙子七月十七日同輝公登紫微巖汪生元明

卷一

黃文獻集

三

退補齋藏板

許生存仁來會遂宿鹿田寺明日乃由山橋
回至芙蓉峰而別追念數十年閒並游之士
往者已不可作在者又莫之與同兩生顧能
不憚其勤相從躡屨行風雨中誠一時清事
也第未知後游爲何日同游爲何人撫事述
情成二十韻邀兩生同賦奉呈審言子長

吾年未及謝倦飛已知還乃復嬰近務無由縱清歡
幸與方外士相從巖壑閒小憩遂深入詰曲披茅菅
昔人有遺躅縹緲青雲端高居匪結構異狀如雕鏤

志怪固無取，懷賢邈難攀。停策訪舊游，欲去仍盤桓。
迅飈發中夜，眾木號驚湍。涼秋變袷暑，山深氣先寒。
泉石無改色，四時自推遷。交朋半新故，念之增慨然。
兩生亦可人，環佩來珊珊。攜手恣幽步，流目窮遐觀。
時於林缺處，遙見城南山。行行度危磴，悠悠睇層巔。
凝陰閔朝采，元澤醜神淵。嘉穉日已豐，藹焉滿中田。
覽物多所欣賞，心殊未闌後。期孰與同良，會當何年。
湖上卽事

垂雲晝濛濛，湖面惟一色。薄暮風更生，際夜雪初積。

卷一

黃文獻集

詩

退補齋
藏本

凝陰勢方盛，塵境喧暫息。坐久聞拏音，忽然破寥閔。
試院諸公西湖同泛分韻得儀字

秋杪景將晏，天高霧仍披。漾舟西城曲，散策南山陲。
重棘幸已撤，累觴欣共持。及茲酒不空，未害席更移。
會合非可常，簡書各有期。念之動予懷，勗哉慎其儀。

題清華亭

名區匯修渚，流望俯平陸。飛雨天際來，遠峰淨如沐。

生香餘晚華，繁陰藹嘉木。秀色坐可攬，終然不盈掬。
觸景幽興多，接物道機熟。誰能與之遊，食芳飲山淥。

題松聲樓

長松四簷閒落落無與伍天清嘯歌發肯作兒女語
道人有真聽無迎亦無拒尙不知有耳况覓聲處所
起視南山高明月在庭戶應念朝市人聞雞走風雨
送甯上人歸吳中

我如雲閒鶴久厭雕籠養子如海上鷗初不嬰世網
胡爲逐吾輩飲啄勞俛仰得無坐書癡遂爾生技癢
欲於一毫端而現諸萬象重雲連夏秋雨點大如掌
三州成巨浸百水猶怒長倉忙揖我去風蒲映飛漿

卷一

黃文獻集

三

退補齋
藏板

有形天地閒浮萍依浩蕩向也本非來今焉亦非往
臨歧將何贈詩境方渺莽幸子頗聰明莫作離別想
至正丁亥春二月起自休致入直翰林夏四月
抵京師六月赴上京述懷五首

夙予抱微尙漫仕遂浮沈決去不復疑甘以投華簪
春天動使星空谷發蹺音倉忙遣就道載筆歸詞林
弱質幸未朽茂恩一何深義當不俟駕事乃違初心
揖與親友別長眺故山岑臨觴不能御朗詠巖中吟
揚帆越江淮河水來活活呂梁扼其衝石芒殊峭拔

沂河柁忽摧度洪纜遠絕前途總安流風勁桅復折
兼旬涉險艱脫命爭毫髮行行薄畿甸值此正陽月
皇輿方北狩前旌曉已發疾驅望清塵我馬不及秣
出關歷峻阪下視原野闊礪谿多縈迴岡嶺互盈缺
舊遊如夢寐古道無改轍經時春草變久旱夏雲熱
遠行誠苦辛儻免蒙霜雪

信宿憩虛館平明玉堂開微風散靈雨階屐無纖埃
良會秩初筵芳醪湛樽壘內官出黃封飛輅天際來
承平多故事鄙劣慚非才扑躍向宸廷慶雲鬱崔嵬

乞身懼再瀆戀闕空徘徊

卷一

黃文獻集

三

退補齋
藏板

日出旦氣清齋祓趨行宮周陔夾馳道大帳垂穹窿
鳴鞘下霄漢別殿臨薰風攝衣升玉除穆穆瞻眸容
謁拜未及已迴光赫重瞳詔使侍經幄逼藉丹禁中
斯榮非所希十載庶一逢怵惕久復前旅進陪羣公
願因奉清燕忼懔輸微忠衰遲力不逮勞心但忡忡
圓象無停運日馭轉西陸原野多歸人翩翩共馳逐
念昔居閑曹未老先納祿蒙恩列外監放浪湖一曲
薄田皆舊畝敝廬非新卜白首重見招英遊並華轂

寒松雖復凋幽蘭豈再馥
宣尼譏患失伯陽貴止足
時暮復何言終期返初服

仙華方先生析簡齋杏花消息雨聲中之句爲
韻賦山中社雨七章和者四人先生於第四
章見及顧未能屬和今五十餘年諸老皆已
下地先生門人在者惟朱仙仲山年八十矣
偶逢春社興懷存歿追次前韻以抒鄙情

貞居遠人寰屋老四山靜
一翁屹靈光二季亦秀整
曉聞楓林鼓雨過鄰牆
杏條然發孤詠語盡意方永

卷一

黃文獻集

三

退補齋
藏板

昔年慟哭地古劒生銅花
淒其懷故交中情亂如麻
念彼盛壯時緩轡揚輕槌
吁嗟長星墜無復出漢巴
淮陰權奇士髀肉老始消
長眉已雪色頰顏尙紅潮
朋游三數公於焉共逍遙
平生經濟策忘言付詩瓢
卓哉全歸子離塵返冥極
卻觀人世閒千載猶一息
贈言在吾耳風規良可則
欲叩封禪書探囊竟無得
憶別青嶠翁歸進江上艣
書札未相忘歲月遽如許
山長春樹深地闊雲濤阻
詩筒杳不來今雨非舊雨
仙華幾千仞峻絕臨紫清
天壇瑤草合石穴陰風生

跋跋杖屨未眷眷邱壑情幸有一夔足雅歌續遺聲
前修遂不作良友孰我同兀坐守章句獨學無全功
徒操五色筆隨人畫虛空悠悠感存歿惆悵百年中
五言律詩

寄方韶父先生

牢落江南賦知音寄渺茫鹿麋行處有芝草夢中香
遙與滄溟闊悲歌白髮長平生今古淚滴破綠蘿裳
雨二首

兀坐九十日雨聲殊未收花時翻益睡茅屋不禁愁

卷一

黃文獻集

三

退補齊周
藏板

生事吾何望春寒晚故留江波青滿眼萬里付雙鷗
泥潦今如此出門知路難蓬蒿春自長桃李夢曾看
未覺龍公倦誰憐燕子寒青燈耿蕭瑟千載入憂端

雪

急雪下不止朔風終夜鳴飢蟲應蚤蟄老雁故南征
生理真何計沈吟獨此情山中歲酒熟不飲竟須傾

送友人

鄉路三百里獨歸衣正單涼風紫洲水斜月白沙灘
燈火期方遠關山歲欲闌倚門應望汝莫漫駐征鞍

寄友人

憐君山水意局促守柴扉故里悲秋草涼風滿褐衣
滄洲斜日晚白社幾人歸寂寞分遙念天寒木葉稀

秋懷五首

天末雲猶去山中歲欲徂周流吾道在歎息古人無
野鵲疑秋樹新駒怯暝途蒼茫念同志微薄忝爲儒
對酒高天豁登樓落日曛亂蟬悲暮葉老雁赴長雲
落拓嵇中散棲遲鄭廣文身名竟如此碌碌竟何云
稍稍秋河落娟娟宿露微天清江不息野迴樹相依

卷一

黃文獻集

五

退補齋
藏板

回首狂歌數經心昨夢非流螢無思極巧入絳帷飛
仰古嗟無及關情極可哀禰生才見忌賈傳直爲災
世肯憐樛櫟吾曾悔草萊小詩聊戲耳何乃併生猜
風雨仍搖落江山且滯留懶從生事拙閑惜壯心休
弱蔓榮欹石空槎卧汎流興懷到微物世故劇悠悠

柴荆

赤日薄烏帽柴荆無定棲可能詩似錦乍取醉如泥
薄業慚漁艇深衣逐馬蹄蕭條江海興芳草故萋萋

憑軒

信有儒冠誤憑軒意欲迷山深風雨惡天闊羽毛低
他日開炎瘴連城送鼓鼙荷及吾媿爾未敢歎塗泥

風雨

風雨忽如此閉門方晝眠故應爲計拙可復要人憐
燈火羌村路桑麻杜曲田悠悠少視昔把卷一茫然

山中懷友七首

大府移羣彥修才復壯齡波瀾開白晝羽翼動青冥
弱質悲殊調明時敢獨醒未妨茅屋底寂寞抱遺經
望遠空山裏天寒夕夢孤林昏行颺颺江晚變薜蘿

卷一

黃文獻集

單

退補齋
藏板

風雨憐同病塵沙感壯圖向來懷古意迴首未能無
疏放誰容我交遊重得君論文輕咳唾問俗到耕耘
一笑能青眼相思有白雲春風動閭巷還往謾紛紛
何事虛齋裏猶分苜蓿盤高林容偃蹇眾翼避扶搏
黑夜文星動青天劒氣寒終南山正好那得悔儒冠
自是麒麟種罕棲又幾年故廬南雪下短褐北風前
歲暮山林瘦天高雨露偏肯同兒女輩俛仰事春妍
卓犖恆山秀相逢幾抱琴五年風雨別四海弟兄心
雪外梅花遠山中桂樹深定知嵇叔夜高興薄雲林

洛社推年少清才照士林春風何處客芳草獨行心
遺墨收秦刻新吟學楚音別離無一字目斷白雲岑
悼雙林栗上人

飛錫遍諸方棲身復故鄉年隨雙樹老人與一琴亡
暗草迷春塔凝烟鎖夜堂瀟瀟今日雨誰炷影前香
社日重過方子踐

東風吹客衣長憶見君時一別驚雲散重來與燕期
春深今夕雨花老去年枝莫待空山裏青燈有所思
聞子踐臥疾

卷一

黃文獻集

四

退補齋
藏板

吾子仍多病何人共解顏水聲和藥臼春色閉松關
積雨連三月懷人劇萬山同游況零落浩蕩可追攀
和吳贊府齋居十詠十首

焦桐

隣爾抱奇質無香亦自焚材高初偶得音苦竟誰聞
天海空遺操冰霜見裂紋中廚方煮鶴終得舍夫君
蠹簡

六籍灰寒久名山餘舊藏漆痕微有字芸草寂無香
後死嗟猶及斯文豈遽亡世方珍貝葉掩卷一淒涼

破硯

巨璞何年鑿磨穿偶至今線紋虛綠潤雨氣失元陰
瓦礫看無異塵埃積轉深明光幾攜入往事復何心

殘畫

勝境不可得微綃餘舊圖丹青初彷彿塵土半模糊
蛺蝶飛疑去波濤圻漸無良工今豈有爲爾一長吁

舊劍

憶啟蛟龍匣提攜徑出門紅塵走馬處白日報人恩
歲月銅花澁雲烟斗氣昏淒涼中夜舞回首暗銷魂

卷一

黃文獻集

望

退補齋
藏板

塵鏡

古鏡色如墨千年獨此留玉臺塵網暗珠匣土花浮
莫笑塵埃滿曾令鬼魅愁盤龍驚已化雲雨夢悠悠

廢檠

不解照珠翠早同文字盟何言中路棄無復向人明
雨宿高齋夢秋吟廢館情相看幾今夕及此慨平生

敗裘

襲爾亦已久霜風兩袖穿甘從穉子笑未受故人憐
雅製餘前古深期在暮年素絲今化盡念汝獨依然

斷碑

零落秋風卧何年廢廟碑圖經愁莫載耆舊說頻移
野燒龜趺失荒苔鳥跡疑遙知千載後拂拭轉堪悲

卧鐘

龍虛久摧折沈埋奈爾何畊民誰睥睨野衲自摩挲
雅奏多年歇銘文幾字訛斜陽荆棘裏長伴舊銅駝
過謝臯羽墓

識子今無日風流可復尋山林餘楚製弟子解閩音
滄海他年夢青天後夜心平生匣中劍零落遂如今

元日卽事

回首人顏異興懷誰與同塵埃欺白苧歲月入青銅
雨急蒼茫外春生浩蕩中長憐故園樹一一受東風

八詠樓

懷古荒碑在登樓晚望賒秋陰垂野薄江勢抱城斜
天地悲遊子冰霜感歲華紅塵吹短褐歸興及清笳

溪南卽事

莽莽長川去行行薄暮時山光遠睥睨寒色入旌旗
夕鳥歸飛急風帆逆上遲世情關物理俛仰寄長思

明月樓

遺堞何年有飛甍歷上頭鼓鼙分大幙香火望靈湫
曲岸舟如失遙沙樹欲浮登臨且吾土未敢恨淹留
含香道中

殘日亭猶遠輕風帽易斜稻畦低沒鶴草徑曲行蛇
經世知無策謀生會有涯殷勤理黃菊留眼待秋花
懷楊仲弘

離別驚如雨蹉跎媿後塵祇今才有數多爾術能神
玉唾春風溼烟霄碧樹新謬慚推吏事吾敢望平津

卷一

黃文獻集

四

退補齋藏板

八詠樓遇方子踐

風雨三年別登臨一笑同綠莎垂古井碧瓦映疏桐
世故違高枕吾生劇轉蓬相逢感疇昔出處愧匆匆
杭州寄子踐

樽酒何人共春光著處同乾坤容野馬歲月失飛鴻
俗眼能無白風花故自紅向來常處士早已負諸公
次韻答子踐

不謂飛霞佩珊瑚然寂寞濱相看今夕雨漸近長年人
往事驚如夢何峰擬卜隣平生千里駕還往得辭頻

劉聲之爐亭夜話

儒冠甯誤我壯志自多違
昭代尊經術先生尙布衣
清言今夕共大隱昔人稀
預恐蒼山麓無從候少微
雨三首

湖闊雲如積天空雨正豪
風飈兼晝夜井邑帶波濤
茅屋垂垂破漁舟故故高
何妨張仲尉環堵自蓬蒿
穉子吾憐汝泥行去不難
憑闌眞自笑高枕敢求安
天地三辰遠江湖五月寒
好將遮日手卻把釣魚竿
田父愁何訴龍公怒未休
千畦沈翠羽百水散黃流
小市猶長閉孤城併欲浮
誰誇補天漏此事恐悠悠
金陵客舍漫書

不擬芙蓉佩終然挂寂寥
百年多事始千里一身遥
巢燕驚華屋羈鷹望赤霄
蒼蒼叢桂樹愁絕小山招
陪仇仁父先生登石頭城

談笑逢諸老登臨失故亭
薄遊成汗漫高步覺玲竈
峽水通吳白淮山入楚青
平生一盃酒及此慰飄零

抱琴

三尺枯桐樹相隨年歲深
此行端有意何處託知音

卷一

黃文獻集

聖

退補齋
藏板

隱隱青山夜寥寥太古心空攜水仙曲更向海中岑
吳贊府挽詩三首

鶴去愁滄海鴻飛困朔風冥冥方獨往已已竟長終
莫掛還鄉劍真隨厭世弓向來曾慟哭不是爲途窮
百代龍川子風流見外孫餘生唯白帽舊業自青門
浩蕩期千載蒼茫哭九原仙華雲縹緲愁絕刻舟痕
懷古餘哀思憐君尙典型清談無俗子白髮死遺經
客社荒春汐鄉山隕夜星夕陽隣舍笛悽切可堪聽

春日郊行雜興三首

卷一

黃文獻集

巽

退補齋
藏板

忽忽時頻異垂垂花正繁登臨聊極目出處可忘言
風急江光亂春濃野色昏舊游嗟契闊覽物思空存
五畝清江曲爲農計未疏那無經世策宜付絕交書
野笛吹頻歇漁舟去若虛卜居能有待天地本吾廬
高興眞誰共佳辰祇屢經天清風細細花遠樹冥冥
勝事今非昔狂歌醉欲醒終南飛鳥外一髮向來青

次韻答友人

十載論交地才皆第一豪江湖嗟契闊風雨夢蕭騷
趨走知無力標題敢自高期君養翎羽一擊可徒勞

次韻答陳君采兼簡一二同志六首

憶昔雙溪上相逢暮雨時交游傾意氣談笑挹丰儀
草草中年別寥寥大雅詩受材知有分豐嗇竟誰司
不謂飄零日求賢網四張胡然卑小技乃爾闕孤芳
寶唾非無色江鴻詎有行散材何所似徒愧飾青黃
十載西州客論交著處新時時談述作一一望光塵
澹月銀河曉暄風玉樹春幸令窺髮鬢微薄尙何伸
默守知存道清言不廢儒身方同木石名已在江湖
此士須前席何人屬後車唯應畊釣者縹緲識霞裾

卷一

黃文獻集

呈

退補齋
藏板

尙想南歸始簪花出禁闈塵沙迷故步桃李借餘輝
有日酬天造終身返布衣風流成二老巾屨尙相依
亦有貞居子難忘太古情詩筒來絕響茗椀出新烹
磊落單傳意蕭條異代名無爲念離別惆悵不能平

洋山夜發

肅肅洋山暮倉忙拜水神吹噓端有力漂泊竟無津
黑夜魚龍界皇天蟻蝨臣生還如偶遂敢憚歷微辛

陸氏水軒分韻得揚字

高會軒楹傲清秋笑時涼行雲隨度曲野水映飛觴

坐挹才華盛衰慙髣髴蒼新詩穿窈眇何力共游揚
寄黃伯陽

摻別逢春雨移舟落夜濤忽驚滄海大轉覺碧雲高
揚子多奇字王祥忝佩刀深情空繾綣短髮正刁騷
送陳養直歸四明

迢迢淞河水同渡不同歸執袂方成別驚帆已若飛
野橋行處酒風雪去時衣瞻望嗟何及天長鴻雁微
送胡允文紹興錄事

斯文千載後一髮渺存亡尙喜衣冠舊能傳翰墨香
卷一 黃文獻集 吳 退補齋藏板

春秋嚴助對富貴買正鄉莫厭官曹劇諸生在雁行
讀陳制幹遺事

歷歷青雲上飛揚彼一時深春曲江宴清夜郾城詩
老去山河在仙成日月遲空言徒有託千載欲誰期
入京道中寄同里諸友

十年州縣底及此望京華客路時時雨春江岸岸花
何方堪報國將老更浮家可得同攜手山顛復水涯
送句龍提舉之雲南

獨抱文章印驅車背朔風行歌萬里別聲教百蠻通

列郡創殘後諸生色笑中誰當偕計吏封殖待新功
題天童疊秀軒

名山標巨剎樓閣在青冥別路通禪窟當軒列翠屏
暝禽多雪色偃樹盡龍形負土新成塔非才愧勒銘
送簡縣尹

簡氏多兄弟才名萃一家嗟君本朝士出宰向天涯
度嶺三冬雪行春一縣花應憐未歸客鞍馬尙風沙
送趙仲理御史

籍甚聲華舊頻年沐盛恩校書天祿閣執法太微垣
卷一 黃文獻集 完 退補齋藏板

攬轡炎埃豁揮毫玉露繁庸疏徒自笑投贈欲何言
送趙宗吉御史

憶共趨龍禁驚聞正豸冠汗顏居館下矯首望臺端
去路黃河直飛霜白日寒仙舟如可託歸理釣魚竿
送馬伯忱教授

卓犖青雲彥飛騰及妙年書成天祿閣座有廣文氊
九陌車塵外千軍筆陣前白頭慚倚席臨別思茫然
送王道一郎中

使者下青冥郎官動列星揚旌開瘴癘持斧用雷霆

遠俗難馴化儒臣解引經無如多誥誤能勿望平亭
送宋顯夫憲僉分題得邵伯埭

謝公千載後陳迹在淮壩遺愛傳終古嘉名配昔賢
藕花方爛熳使節莫留連移取甘棠樹分栽郢水邊
送宋翼卿照磨

莽莽關河路西征獨劇鞍借材蓮幕底養望柏臺端
指日傳溫詔朝天正法冠廣平心鐵石甯憚朔風寒
送潮陽蘇縣縣尹

夜水藏蛟鱗秋天卷瘴雲田多陶令秫石有大蘇文
卷一 黃文獻集 辛 退補齋藏板

巧宦誠爲樂修才況不羣尙煩驅筆陣時復張吾軍
題道士能君壽母詩卷

跨鶴出山中春衣密密縫度關占紫氣賜酒拆黃封
介壽慈顏喜承家積慶重蘇耽卻來否石上有仙蹤
題石門淨勝寺

十頃蒼陂上山迴地勢偏屋棲黃面老碑挂赤烏年
葉葉風荷顫層層雪瀑懸青燈夜寥閬獨照一僧禪

初至甯海

地至東南盡城孤邑屢遷行山雲作路累石海爲田

蜃炭村村白櫻林樹樹圓桃源名更美何處有神仙
縹緲蛟龍宅風雷隔杳冥人家多面水島嶼若浮萍
煮海鹽煙黑淘沙鐵氣腥停驂方問俗漁唱起前汀
游法華山回宿樓氏書房遙望嵩頭陀智者國

師道場上清五雲龍壽諸山而未及至其處

贈同游傅生國章

故廬湖山曲門對法華山百里空荒外三峰掩靄間
倦游煩汲引闕步強躋攀老怯高寒境非緣興盡還
小憩虛齋夕何人笑語同青雲一才子白髮兩衰翁

卷一

黃文獻集

五

退補齋藏板

節物逢春好名區有路通未能窮勝踐健走媿兒童
過永康桃巖

立石平如削飛雲近可梯莫窮千古勝但惜眾山低
靈草經春長珍禽隔樹啼人言舊朝士感事有留題

九日登石頭城

以下長律七首

背郭囂塵遠高秋川岳清幽懷初曠蕩陳迹故縱橫
遙望龍盤舊長憐蟻穴爭緝園隨處闌紛蝶向來傾
發草窺智井看碑驗故塋門開蒼耳路亭愛翠微名
遠樹淮南出滄江鳥外明人烟川浩渺風物歲崢嶸

吹帽仍佳節傳觴但老兵愚生雜蛙黽浪走媿璜珩
去去帆檣盡蕭蕭葦葦鳴登高未成賦覽古獨含情
政復哀王粲何堪厭彌衡傲廬滄海曲目斷白雲生

寄李生

有美維仙李孤標見碧梧高門留雨露短褐混泥途
姿悍甯爲小機深或類愚洗心須貝葉游藝及撈捕
政爾難藏穎幡然獨抱竿從容觀近效僂俛事羣趨
稍廢琴心曲能操犢背書誰將窮罔象莫使避珊瑚
他日逢何暮清談動至晡醉醒勞問我喜怒得令渠

卷一

黃文獻集

五

退補齋
藏板

契闊江湖迴漂零歲月徂青雲悲捷徑白日仰亨衢
秋社粉榆外南包橘柚初飛騰如借順能勿笑蟾蜍

隆山牟先生挽章

井絡收英氣文昌返列星能官須伐閱仍世覲儀型
漂轉逾三峽森扶並五丁芝蘭紛滿砌橘柚歛充庭
他日看空櫺羣公羨發硯湖驚掃迹華表訝摧翎
風物嗟王粲心期託管甯乘桴良已後抱瑟匪求聽
此道誠何病明時忌獨醒迢迢瞻北極袞袞化南溟
薦剡多新墨恩袍祇舊青故應瓊座冷不愧草堂靈

食檠餘深味縣車及暮齡一朝傷永訣千古闕遺經
謬忝鴻私久徒增雪涕零無辭歌薤露有恨寄泉扃
癸酉四月同子長至赤松子長先去遂獨宿智
者之草堂已而子長與正傳俱來同出靈源
詣鹿田遊三洞遠過山橋至潛岳謁故中書
舍人潘公之墓復迴智者而別

昔共張公子翩翩訪赤松重來經兩紀獨去宿孤峰
古木蒼坡映禪房側徑通夕陰千嶂黑人靜一燈紅
幸及軒車會甯辭杖履從相看如夢寐健走愧兒童

卷一

黃文獻集

五三

退補齋
藏板

春盡山仍好林深磻忽窮天低時墮雨寺遠但聞鐘
弔古田無鹿探奇洞有龍幽尋穿窅窳高步踏玲瓏
靈草多成藥疏篁不作叢嵐光凝晝曖野色在空濛
下瞰疑無底言旋復向東巖阿棲斷礎烟外落飛淙
細路緣苔磴危橋跨石泐泉依山曲曲雲與樹重重
巨剎纏名岳穹垣護畝宮倚闌斜日下入室老僧逢
零落螭頭黑荒涼馬鬣封不才持薄祿終古望遺風
弛擔雲關裏傳觴雪峽中追隨尋道侶述作付文雄
急景眞流電浮生尙轉蓬後期觀歲晏來往意憧憧

同劉遂初修撰周伯溫編修任大瞻經歷王繼
志架閣西山行香次遂初韻

仙馭賓天久衣冠此出游祇園金地古汾水白雲秋
謁拜陪諸彥躋攀展寸眸始知山水窟近在帝王州
深岫藏青靄平蕪映綠疇層臺臨太液環海像瀛洲
粵自遺弓劍無從望黠旒明庭虛次舍綵纜舊維舟
陛戟盈千列靈輿副九旂祠官偵伺謹中使往來稠
備禮兼今昔求神遍顯幽琅函開貝葉玉瓚薦黃流
旸嚮人天合輝光日月倂遙看陳羽衛疑是問龍樓

卷一

黃文獻集

五

退補齋
藏板

花雨繽紛落香烟泱泱浮重關羅虎兕簇仗擁螭蚪
去去簫聲遠微微扇影收清都成夢境塵劫等浮漚
歸逕緣湖尾殘陽掛樹頭舉盃相慰藉分席暫淹留
物色迂行轡風寒襲敝裘迴瞻天路永坐感歲時周
戀闕慙衰朽非材墮謬悠詞林富鴻藻珍贈苦爲酬

試院同諸公爲主試官作

右轄升庸日秋闈獻藝初端居煩坐鎮妙柬備賢書
憶昔興文運惟天啟聖謨教條行九有學業出三餘
儒術俄中否詞場遂久虛綸言何噩噩髦士共于

吐握承謙德飛揚感壯圖至公留藻鑑成物待洪爐
肅穆華星聚涵容化日舒誰歟隨計吏行矣聽傳臚
橘柚天庭貢參苓相府儲鋪張須鉅筆哀朽媿荒疏
試院同諸公爲監試官作

文治回亨運羣言協睿謀設科存墜典傳詔及遐陬
風動黃簾曉霜飛白簡秋迂臨宣上化精察副旁求
懷牒魚鱗集摘辭繭緝抽按行承獎飭鼓舞望甄收
冰鑑垂清照淵珠免暗投充庭先品物入彀總英游
奏自蘭臺上名依桂籍留神仙司下土桃李在南州
使節光華盛公堂禮數優無能禪末論傾詠獨綢繆
五言絕句

山中偶題

古苔隱石色寒花明藥叢有時白礪雨終日青松風
夜坐

涼風動千里孤坐思滄洲白露洗明月青天此夜秋
題趙公畫蘭竹

猗蘭幽人操綠竹君子德天天彼棘心胡爲久吾側

題馬虛中畫

卷一

黃文獻集

蓋

退甫齋藏板

人在白雲處舟在清溪曲不聞欸乃聲但見山水綠

卷一

一

黃文獻集

奚

退補齋藏板

08054

黃文獻公集卷之一終

